

華泉集 上

邊華泉詩八卷 文六卷

通功書卷名鈔

孫修府藏有印記

免抄經眼 吳氏藏書

蘭雪齋三印



重刻華泉先生全集序



名郡魏允孚撰

余讀華泉先生集蓋有世道之感焉昔者孔子曰先進于禮樂野人也後進于禮樂君子也如用之則吾從先進文勝之敝人至以先進為野人此其已溺而不可返孔子豈不知之而猶力為之辨曰吾從先進云云聖人固以為文質彬彬吾志誠在斯焉已且安知斯人之果不吾從也我

明當

孝廟之世

皇運熙宏人文朴茂學古之士並軫而翔關西則李獻吉汝南
則何仲默吳中則徐昌穀歷下則邊庭實庭實先生字也
獻吉之詞雄仲默之詞逸昌穀之詞蒼先生之詞溫然粹
然即人自為家究之緣情示志體物敘倫動軌自然不殊
也雖其人已往間嘗諷其詞猶足以想見其人與夫當時
政治風俗之盛今之學士大夫文非左國遷固雄向則亡
稱詩非丕植明遠靈運甫白則亡稱然其氣飄忽迅激驟
而睹之色驚稍扣之泊泊乎無餘味焉何者數先生一千
鏡古人之精而世學士大夫猶未免掇古人之華也鏡精

者盛世之文掇華者季世之文今之文吾何敢以季世待
之然其視盛世何如哉故曰余讀華泉先生集而有世道
之感焉先生集舊有本歲久而蝕又遺所為文不載余理
濟之明年從先生仲子搜得數十篇因敘入集中為重錄
之匪徒不朽于先生之詞且俾論世者有所考見庶幾慨
然而興先進之思云

邊華泉集卷之一

四言古體

顯陵五章送嚴介溪宗伯

於穆 獻考獻哲維則宅茲郢方以蒞王國篤生我后膺符受


曆奕世丕承下土是式

滔滔江漢翼軫之墟我后龍翔奄正中區誕基駿命聿紹鴻圖

赫赫明明肇闡徽謨

帝念孝思繼序不忘位號既崇復我天常有嚴新 廟祠禴烝

嘗是典是彝誕告多方



乃命司空伐石京師，鬱我陵大，建厥規，載經載營，竹卜釐立極，考度備物，多儀。

帝屬其文，經緯七曜，貞觀崇封，勒我純孝，億萬斯年，湯孫是詔。天人肅，衛茲隧道。

隰柳壽林母也。

隰則有柳，原則有杻，顯允林侯，母德且壽。母壽維何，七袞是望。母德維何，媿古敬姜。

殷其雷在山之陽，侯政有聲，聞于東方。匪維東方四國，是揚母心，則閒母體，則康。

體之康矣，鬢之黃矣。我侯燕喜，家之慶矣。於百斯年，錫胤之無疆矣。

二章章八句一章六句

朝涉篇

朝涉美孝子也。陳大夫仕為御史，贈其親戚而悲焉。風人美之，故作是詩。

朝涉洪流，夕步江皋。凱風吹衣，游子心勞。岸則有藻，江則有魚。我釣我採，薦之中厨。昔曳里布，以獻以舞。今也則亡，敢曜斯組。

繫祭五鼎厥養廼三祿不逮存哀、孰堪
上塚蕪黃下塚回首嗟、游子行役已久
暖、暮光蕭、白楊永懷二人曷也可忘

六章、四句

圃田詩 有序

洪隱君者歷下人也有用世之才而不樂于仕仕且及
曰吾弗仕也敢居山東習治圃馬予之不見者十年矣
日往來于懷思一見之而竟不得也今年春有客自山
中來至京師至京師未久也乃歸山中曰洪子之懷子
也甚甚于吾子之懷之也吾歸矣子盍有言乎予曰有
是我洪子之為移文謂我也則幸矣作圃田詩以美之

圃有田田田兮宜我碩實連連兮

圃之中兮有田可宮我構斯崇維栢維桐曷以弗永終

圃之周兮翼、盈我疇兮疇有秋兮曷其求兮

一章章三句二章、五句三章、四句

泉之濱哀隱士也

泉之濱兮白石磷兮以飲濯育吾真兮

泉之澌兮錫之士兮載濟載渠溉之溥兮

人之墜矣衆之匱矣瞻言跋兮衆之喟兮

三章、四句

山之陽送朱子宜歸省 三章

山之陽兮有春者暉草之華矣將子言歸

山有泉兮瀼瀼其流子之歸矣誰與我晤遊

子之歸矣登堂壽母何以贈子曰有春酒

五言古體

次韻題豫齋扇

適意無多言一笑成筦爾我心寒沙月君心古潭水莫作江上

波隨風夜中起

送別台峰

皎皎中遠月照此離客顏月沉會有升客去何當還采采園中

瓜裊不可攀草木本無知枝蔓相鈎環如何宦遊子岐路長

間闕散如蓬逐風聚如雲在山聚散本無期毋嗟涕潺潺

茗嶼

滑々海氣白楚楚衣冠聚誰開高奧靈太尉體光貯縮仰世則

公樂茲清茗嶼

盤谷

佳氣何盤盤松栢叢林壑上有太宗祠棠棣華繁鄂始自一人
身分此千萬絡

宗會廟

廟貌儼生存妥靈綏後祿水木有本源十輻同一轂四百餘年
來因之序昭穆

時思堂

滄涼海日曙堂下森蘭玉願言永孝思俎豆差繁縟歲歲薦蒸
嘗采蘋清澗曲

環翠樓

樓前塚纍、隴上麥青、島霧開遠岫海霞明空遠夜伴松聲
作悽其不忍聽

延月軒

松上有海鶴松下有泉石軒中几格明軒外孤兔跡延覽興遐
情半窓山月白

望雲亭

感涕此檻泉脉自龍湫來飛出兩白龍劃然丹壁開倚亭望長
雲從天噴風雷

陳林世紀田

朝耕高奧田莫耕高奧田
梁盛戒清酤伏臘擊肥鮮
良哉古人意以此奉周旋

觀蘇門山圖

昔予祗皇役弭節蘇門山
展眺孫登祠薄暮松扉闌
淒風振林木颭流區寰如聆
長嘯音來彼白雲間又如見
青篲囊琴弄潺湲緬懷沉冥志
上與沮溺班一別期再遊欲往
途路艱臨圖起遐想延佇久志還

再遊石門洞

蒼然郭東山百丈縈青碧
石門忽中斷窈窕開仙宅
遙窺日月

深却轉烟霧隔中天屹樓居
星斗卦几席芳巘眩綺繡叢
巖圍蒼壁山鬼不避人驚狐
嘯窺客披榛上孤亭竒觀壯
心魄窮崖倚天懸瀑水半空射
高流橫雜珮直下垂足帛分作
四山喧散為千頃澤初冬天未寒
晨曦映嵐赫重來意彌春獨往
任所適信美愜心期胡為老行役
終然晚塵經高舉凌風翻

送王內使敬夫歸省

以尊甫詩燈花開赤
焰喜鵲報清音為韻

歸驂慕鄉土欲止不可能
朝發華陰祠日夕過灞陵
風林散輕雨山店明春燈
忽憶舊時路別來如更增
鏞鎗綴簷牙遊子行到家
鄰里登墻頭顧望紛且譁
堂前列車馬堂上生光華
何以

為親壽宮衣明繡
蒼草堂近終南采蘭日
往來兄弟各相勉行
歌咏南陔親心日以悅
親顏日以開閒時語
家慶笑指連中槐
春潭水烟青春岬
杏花赤宛轉沙上經
依記行跡濯纓清淺
流還坐舊苔石鷗鷺
了不驚逢應識歸客
春分酒初熟香滿青
門店匹馬隨雙童
穿林復經塹夜自清
夢裡花筆生彩焰好
是南山靈相尋索詩
欠我思何所在乃在
樊川江斜月照虛梁
微風動芳芷悠悠抱
沉念脉脉感前喜尺
練難重持春水限雙
鯉君陂水多魚我湖
山有鵲一飛與一潛
各自相娛樂同遊京
輦下十載鎮如昨昨
夜問君行朝來宦情
薄君才比天馬高躅
不

可蹈我心實亡羊多
岐賴君道關山一為
別輪軫何時到感激
木瓜篇瓊琚愧相報
枕書臥南窓月黑燈
不明逢夜無近夢深
交有遐情鳴琴寫幽
懷調苦絃不清曲罷
不成寢高林啼曙鶯
秣馬西送君行古城
陰長亭短亭路千里
萬里心春綠變山草
連岡與岑歸林渺烟
光彷彿聞車音

送陳文鳴

鬱鬱深澗松冬夏不
改青濯濯江柳花隨
波化流萍羨彼五陵
客終朝宴芳腥三楚
多秀士皓首窮六經
誰為尺一書薦之升

王廷

達人狗高義立志不苟同長嘯六合表傲睨一世中君看今日
顏不及昨日紅乘運各努力揚林樹德風顏年儻相值跨鶴蓬
萊東

次何孫落日泛江贈魚司馬之作奉送劉美之

相投已盍簪相贈還留帶昨暮長安西今朝苑城外誰言車馬
地海滄須臾會會君心暫悅去君心轉切秋岐蔓寒草隱隱煙
不絕歸鴈影聯翩墜葉聲騷屑端居尚興感况乃萬里別挂舸
泝江湘何時到蠻泖蠻水夜悠悠月明登郡樓幽蘭翠縈渚紫
蘅香滿洲應歌楚人詞坐惜勛名浮

美之席上限韻送別二首

惻惻重惻惻當歌忽成默客車駕雙輪欲挽不可得華燈聚宵
焰殷勤照行色月轉連榭光風起簷樹黑誰能理朱絲為鼓長
相憶

悠悠清川波矯矯風林翼翼飛邈難止波去何時息憐君萬里
行葦天南北罹紛有孤操涉遠無近力不見寒松枝歲晚青
更直

賦得將有事於西疇送王中丞致仕

發春驚蟄始土脉動淵泉時雨宵既零浮陽藹平阡夙興飾耒

耜驅牛登廣原竭茲畝力感彼農父言穡事依東作天時易
流憇南鄰有逸夫日晏高枕眠四體苟不勤何以窮歲年

送王叔武使河南便道省覲二首

黃河三尺雪冰厚不可解使君白馬來青雲見風采蕭蕭梁園
竹秀色遙相待鄒生與枚叟借問今安在日暮登吹臺含情向
千載

奕々明農堂脩楫耀晴彩堂前春草綠堂上春雲變遊子日下
還宮衣試新綵夕膳餼鮮鱗晨羞薦芳蒞何以祝親壽如山福
如海

章氏園餞別并之分得木字

中園飛雨過逍遙散遐矚青雲蔭華掾迴颺撒炎燠百卉何歲
蕤芳菲鮮如沐駕言贈遠人采采溝中綠遲回未終極陽景沉
西陸歸驥嘶長林翔禽鳴高木感物多所思褰裳以躑躅躑躅
不可留何以慰衷曲

送王盛

朝辭雙闕下暮抵三河宿古戍早鴻稀荒城寒草綠上官山吏
拜行縣村童逐冉冉松間亭何人伴幽獨

秋郊別意汝南孟翁補作二首

驅車循廣術言返故鄉縣晨光一何綺熹微散秋旬宛々墟曲
中盈々露華滋因之感遊寓物候倏已變豈薄骨肉情遙重桑
梓戀
桑梓在何許藹々汝南村綠叢帶長薄清川映柴門言別上春
時當秋始來還禾黍一已獲撫々見高原落日樵牧歸涼風散
雞豚登堂見鄰叟呼兒具盤飧依々丘中情疑歎醉後言即爾
足為樂安用乘華軒

別劉子二章

文車駕玄牡迤邐度層阿伊人秉朝憲結綬辭承華飛龍御宸

極期運身以嘉甘霖雨九天皇澤被幽遐顧念囹圄子纍々誠
可嗟憲章苟不渝殲夷豈在多行哉布天惠庶以和邦家

昔我二三子弱冠登皇朝並跡協蘭芳聯翩振華鏢朝出長楊
苑日夕憇平臯逝矣終遐月綢繆以道遙顧子邁南江劉侯踰
上郊嘉好一乖別馳光倏飄飄臨川睇玄雲結思如廻潮

次韻贈李子行之如陳

迢々阻歡宴戚々傷離居離居結中懷鬱々恹不舒若人美無
度貞抱冲以虛朝為同朝客夕暮隔林墟林墟積秋霖流潦不
可除四野晦蒼々行々安所如驅馬臨大道瞻顧空踟躕

奉送大司馬華容劉公致仕二首

藹：東山雲覆彼山下堂乘時播皇澤從龍彌八荒八荒遼且

邈下上以翱翔龍逝鼎湖陰雲歸故山陽何以慰蒸庶私衷鬱

彷徨

草堂何所有有蘭溪有芝采山之側飛仙相與期寄傲雲霞

間可望不可追抗手謝城市去從此辭徒遺高世風永繫來

哲思

為楊子賦別母詩

青驪載華轂宛轉度秋坂母氏遠離別客子心繾綣行采芳

蕙緣陔復循晚山風夕飄颻吹我車前幘車行不可逆母去日

以遠何以保黃髮對子加飡飭

追送宗之憲副不及

臥病起恒晏出戶客已行征車揚素塵窈窕踰層城行：導故

轍阡術縱以橫望：不見君悠悠傷我情清川迴白日可以鑒

中誠

送沈仁甫歸省二章

瞻夕臨廣郊歡宴良須臾之子駕言返登高鬱踟躇不惜形影

濶所悲歲月餘三江曠綿邈悠悠限東隅蒸途慎所須願保千

金軀

品服煒有輝班裳以楊之桑梓誠可戀道路安足辭馨羞繫吾
肯爰以孝思徘徊膝下歡婉妾及良時脩齡欲有祝永與南山

期隆

元夕致仁宅詠燈送別

佳辰逼元夕宴語春雪餘梁燈一何醴流光照離祛燈燼可復
燃祛解難重挈盈盈江上心感念成歎歎相看已不極相憶當
何如

贈王文熙五首

陽鳥流歸音空堂春風早居人結遠夢行子統長道雞鳴東方
白整駕何草草歎息素冠詩繁憂滿中抱

總轡城東門縵縵行子翰郊原茂時卉林薄鳴春鳩登高眺連
岡川途邈且脩俯睇川上波泛泛鳧與鷗一為離群感淚下不
能收

昔子往恒山倉卒不我辭竭從恒山至攀經何纍纍素室曜朱
火哀哀讀喪儀一讀一長號再讀聲轉悲咄嗟茶苦心逝者寧
見知

逝者為何人寔惟子先公往昔蒞吾土藹藹多仁風土人至今

思譬若考與宗梁木一朝毀傷哉吾道窮對子攬長涕誰謂出
無從

平居恨迢遠卜舍依我廬如何別我去三載天一隅留之歎無
因欲往路崎嶇形影隔參商托彼雲中書不如斯須立誓得話
踟躕

再送文熙二首

夜久河漢橫春堂別燈黯風淒鳥不動露重花猶斂明發不在
茲重闔為誰掩

離言不可聽離怨不可書一日比三秋茲言良匪虛江深雲木

遠去去將焉如

相國送縣令代劉永寧作

南粵有佳士溥樸君子風登朝十年餘墨綬猶在躬維昔治莆
日化與由也仝監司匪宣尼誰哉賞其功再命蒞恒山水心晚
彌篤予慚舊令尹有政不可告驅車薊門外把酒燕臺曲大道
坦且夷一試千里足

贈何邦彥

花林霽宵雨柔碧光離離美人駕行車迤邐雙輪遲輪遲無終
極親綬從此辭何以結綢繆玉瓶金屈卮浮雲暗長路奄忽天

一涯窮谷多狼豺水螫虺與螭客子戒遠道行々欲安之
行々欲安之肅々持挹形藉々于公譽哉々高潔廷君心如列
宿照野何晶熒又如日在空皎々懸丹扃豈令囹圄子惻々歸
沉冥

別熊子三章

驅馬陟前阪惆悵送子歸良晤未及終車徒忽已遠陰風蔽天
地砂磔慘陽輝葵霍不自謀衆禽相與飛五里一反顧十里一
徘徊徘徊不可見淚下沾我衣

車徒去彌遠言駐澧水陽婉孌諧二親春暉麗高堂堂下班馬

鳴意氣何揚々暮甘澆朝音為樂良未央嗟彼時役牽閑途遲

翱翔

翱翔適崩海踟躕悠以長車前建隼旗車後擁干將擊歎須擊
肅刈蕭無及芳丈夫志萬里遐遠安足傷顛々霄漢姿皎々水
葉腸勗哉保終譽慰我親故鄉

送湯子五章

關途鬱迢遠卉草青已發驄馬何駟々向風鳴不歇廣隰沅春
霏層岑翳圓月遲廻去不忍引領望京闕
京關邈難覩萋々蒼樹林沉々天宇夕藹々浮雲陰丈夫萬里

志烈士千古心鳳鳥久不鳴誰哉繼其音

彈子匣中琴寫我心曲悲我悲良自諳子琴知者誰去日不惜
早但恨來日遲何當假羽翼送子川之湄
驅車并陘谷揚旆汾水流翱翔覽四極蒼巖陟崇丘遐諏歷岩
巘幽訪決原疇勗哉利爾涉風湍寡行舟
喬木多勁柯直流無反波哲人秉孤操孰云光可和嗟彼黃雀
吟感此卿雲歌悠悠向原隰惋々將如何

吳將軍巡關圖

胡馬歲南牧漢軍勞北防軍情異主將冷煖須共嘗朝出潮河

川暮過古北口邊烽傳羽箭朔氣嚴刁斗月下黑山晴分明見
列燹霜欺征袖薄石報獵蹄鳴三軍晏然睡我亦倚吾枕天子
不可驚長懷亞夫寢

清白傳家卷為劉安之題

清如渭水白如太白山邈爾清白人遙在山水間至清不可淆
至白不可涅傳子復傳孫一心如一轍山同今古色水同今古
流清白苟不變山水同悠悠

題白巘畫松圖

古松何童童獨立難可群歲暮倚冰壑偃蹇凌蒼雲修標有遠

陰直幹無典文匠氏苟不遺寧避斧與斤

題楊氏所藏畫

翩翩水禽飛灼灼水花亂柔艷雜幽聲紛紛滿芳甸悠悠畫中意潑激天機新彷彿曾遊處江南二月春

題畫

空江夕烟斂日色沙上明輕連漾蘭楫嫋嫋秋風生白雲滿曾阿林光帶高城姬文去已遠詎辨垂綸情

題放鶴圖集陶句

野外罕人事靈府長獨閒登陟千里餘晨夕看山川山川一何

曠亭亭月將圓雲鶴有奇翼一矚周九天但使願無違甘以辭華軒念之動中懷放意樂餘年吁嗟身後名百世誰當傳

答顧華玉見懷之作

離腸如車輪萬轉不計程只尺阻言讌何殊在山城間曹事稽纂文墨紛相縈不見馬上人空聞馬蹄聲攬衣步幽闥脉脉牽暹情屋上春鳩啼樹杪浮雲行坐惜韶景暮江臯芳杜生

贈徐子

丹棗何纍纍朝日耀其光上有同林鳥飛鳴且翔行子遠于役携手登河梁舊京渺安之江永衢路長戚戚里中語依川

上情駕言往相逐無舟何以航乖離去則已但使心無忘

贈友

春陽初獻歲芳樹日以青送遠及近郊何由申我情我情方鬱
紆君駕不可停瞻彼飛鴻翼聯翩共遐征爽々雲中河爛々川
上星中願渺難遂佇立以屏營

醉中呈時大親丈

憶昔別丈人倏忽八九春往年雖暫逢契濶無由申寒冬陰氣
固微陽廣照津送々不及遠千里空勞神今來芳草時言作上
國賓青袍耀垂揚移家住京塵吾親適試吏相過閣昏晨見母
以序情親醉別勿草々揮手天涯人

逆旅舍中會同年杜子廷獻因懷其弟廷陳省元凄然增

感

月缺還淩盈木枯還復榮如何泉下客一死無重生芳筵列時
彥栖々見遺兄昔同賓薦來雙璧價連城今為失侶鴈徘徊哀
且鳴存亡一興感四座盡沾纓孤墳背山郭宿草萎以縈死者
亦何知縈茲骨肉情長歌欲相慰彌使心怦怦

維洛美劉子也劉子仕洛為大夫作室以奉其母君子名

之曰榮養風人美之故作是詩焉

維洛有崇堂宛與伊闕京層構何崔峩仰觀浮太清青雲結懸
牖丹霞麗飛甍雞鳴事甘旨爰以隆孝情定省日在茲致美良
匪盈嗟、宦遊子百世以為榮

榮名本天爵匪直耀圭組之子仕京洛膏澤被遐土膏澤被遐
土皇鑒亦孔昭烜、循吏稱洋、流漢朝寔維慰母心居處良

逍遙

逍遙復容與降陟在斯堂萱草雜杜衡羅生前後廂俯基撫嬰
孺登俎挹華觴俯睇洛川流顧瞻嵩與印優哉樂相樂千春壽

未央

奉贈少司徒華容王公致仕

大谷霖長霖廻雲媚山澤流滌豈不廣孰云泥吾輒朝謝司農
卿夕為岳陽客皇眷良在茲行止各有適有適非盤教眷言反
初役解彼府中綬歸我湖上宅葺宇依清漣躋山憇玄石幽棲
謝生慮靜便終日夕矯、雲際鴻誰能制其翮

贈閻允中

郊月隱寒樹嗷、霜雞鳴翩、隨陽鳥悠、憚遐征客車履晨
發迤邐踰層城清川帶長薄綠蕪萋以榮江路東南馳行子慕

修程金陵帝王宅佳麗夙遺名吳觀藹崑峽晉丘亦崢嶸憑軒
一廻眺千載有餘情

伯川子仕為地官大夫能其官且有顯陟矣乃一旦思其
母夫人解印綬去予知其必有以也取六義之比賦有兔

詩二章以美之

有兔何爰宅我中谷阿中谷一何邃山石鬱嵯峨修篁蔭清
風秋鞠揚其華子偃復子息為樂將如何月明流夕光零露白
湛湛饑食野田草困息山石陰物性有固然衛生良以深不見
虞人置肅施中林

答石峰見懷之作

斗柄當西南河漢東北傾零露華白晶天宇晴微風度廣
陰熠燿時復明卉木日已黃秋氣日已清念子理素琴苦調多
離聲嗷失侶鴈沉隨波萍會合固有期此際難為情
露井梧桐凋杳秋夜涼眷言懷美人展轉何能當纖月卦西
牖微明照我床皎瓊樹姿寤寐如何傍近離已不堪况乃途
路長誰其繫子馬慰我心彷徨

寄弟賦

憶爾別我時日照河邊柳痛哭別我去上馬猶回首知爾愛我

心不殊足與手徘徊望行塵佇立沙上久
弱弟復多病相思傷我神爾須為孝子吾已愧忠臣膝下三春
夢湖南萬里身晨昏甘旨暇休對說烽塵

戲簡王臨安同年

候子席溪渡送子龍陂橋出城不相見征蓋候已遙百金買江
魚千金買春湮期子會宜城飄忽過潼口追子漢江曲望子峴
山頭子有室家好豈知途路愁暮投城外寺急雨響高屋安得
與子同長歌對銀燭子程勿早發吾駕亦早留風塵莽南北一
別動經秋

與中 獲出餞作詩以遺之
與中 右揆鄒公由齊入闈齊人有華泉子者與公交也抱病不

懊惱復懊惱雞鳴一何早病夫掩關臥遊子就長道娟娟窓中
月照見窓下草室爾人遂遐離憂坐堪老

黃鸝鳴樹頭嚶嚶求友聲佳人遠言邁牽我幽思情思情何絲
絲綿綿復縈縈出門望軒蓋道阻不可征藹藹山氣浮晶晶川
雲平鴻雁方北飛誰哉達中誠

華艸耀朱旆宛轉凌春山朝辭鄒魯鄉暮過梁宋間美哉南邦
化夢寐開心顏丈夫四方志車馬胡暫閒終日東人懷何時復

來還

榮恩介壽詩為陳矩菴中丞廼翁作

中年謝簪組將以遺世榮晚歲沐崇恩封誥來承明金章既輝
霍鷹冠六峰嶸升拜天子光閭里咸震驚悠哉顯揚志爰畢遊
子情

白雲何飄飄覆彼白下門遊子限江郭登望窮朝昏孰云三品
崇能報罔極恩休光燭遐士膏澤被元庶以立脩譽永播軋
與坤

乾坤蕩無極客子日行邁永懷將父吟陟岵發潛慨閒登楚丘
望長川皓如帶高榭鳴玄蟬秋風起江介烟中樹如薺隱見
吳會

吳會有高樓上切星與斗北牖臨玄湖南窓對鍾阜樓上一老
翁皓髮垂白首服食皆烟霞圖書是賓友雖為中丞父何異
山叟誰歌難老篇願以祝眉壽

貞壽詩

水上雙鴛鴦一失無再偶良人棄妾去白髮閨中守竹老有古
節松老無柔枝峩峨青山石萬古色不移誰為貞壽歌請君歌
此詞

賦鶴翎扇壽翁江

白羽白且鮮製如秋月圓青雲相與媚皓雪避其妍出入仙翁
手逍遙以蹁躑招彼蓬山侶乘風下芝田萬壽同所歸飛凌
紫烟

劉克柔迎養二親乞詩為壽以人生七十古來稀七字為
韻

人生有良願莫如翁媪徒生兒無令名雖壽安足榮七歲燕山
道重来見秋草十月到官衙鱗肥霜菊華古稱遠遊苦今知遠
遊樂來去何翩雲中度雙鶴稀年具慶稀勿輕菜子衣

西臺遺恨為吳克學御史作

晏眺當沉暉南山正巍巍孤子天涯心邈與哀鴈飛鴈飛各有
止孤子心無依念彼堂上親喬年鄰古稀經時客梁宋苦恨溫
清遠何知變故來繡服更麻衣整駕返初轍洒泪臨江圻人去
秋堂空淒風吹總幃嗟宦遊苦不似前時歸

稽勲馮子佩歸治祖墓

油上谷路颯秋風起落日客子歸寒烟滿墟里墟里夕燈
明臨堂哀泪橫無復報劉日空陳李密情携兒負畚鍤自關山
中土坎徹下泉雙棺閉幽戶幽戶不重開向山高築臺他時

華表上應見鶴飛來

即題城東尼寺哭妹三首

佛居峻且玄中有嘉樹林驚蹊隕其芳柔葉垂廣陰青陽詎能
幾朱夏奄相臨一為生死哀感我涕盈襟

生為同胞親死為異域魂魂升不知返親斷有餘思列几陳羞
飯芳醪湛空尊陰風吹薄帷慘白日昏徘徊復何見惻愴難

具論

平生處閨闈不識門與達孤魂蕩幽邈廣野將疇依舊國踰山
河反墓路遙遲寥禪宇空疊芳序移死去長已矣徒令生

者悲

次東卿韻輓北村秋官

昔我師事公公以為我友長安車馬地相從十年久如何永潛
翳冥卧西山敢謂涕無從離滿衣袖

喔喔雞亂啼皎月墻立馬古城下長歌盡餘觴咄嗟霄漢
姿今返冥漠鄉

公昔較我藝弱冠舉于鄉公子復青年探花冠群芳浩蕩雲中
衢接羽相翱翔思公不可見斷絕我中腸

我才疎以拙應答多後時長懷隴頭吟負公十景詩公今臥泉

壤隴樹生新枝何意述德篇翻為斷腸詞
昔公謝病居坐臥釋子牀藥物雖見親書帙猶存傍中宵激昂
志江漢相與長袞々七尺墳漠々春無荒

經西湖

皇園寂備夜馳踞直且長玄湖貫其北流水何湯々孟冬寒氣
交原野下微霜衆芳各以萎鴻鴈哀南翔俯時清川波仰看明
月光涼風吹我衣俛首思故鄉故鄉不可返攬轡止彷徨

天壽山行

石門凌旦啓馳直且長青山白雲合四鎮鬱茫茫蘋藻秀空澗

黍稷亦登場哲王敦孝理陵邑事秋嘗予本草野士謬識恭奉
常敢云俎豆閑亦已閱星霜縈廻度墟曲宛轉歷岩岡蒸嵐侵
我肌零露沾衣裳沾裳詎足惜鴻私難可忘

路

入罐石口四首

濯足秋澗水水寒清見沙凌兢不可渡碎石如狼牙童子欣暮
晴笑指東風霞

峰

穿林渡河佳興未能盡每當路窮處更著祠官引山女何處
來石上洗秋菌

西登鐘石口鳥道不盈尺連山樹如繡雲中日將夕不聞樵采

音但見虜行跡
睥睨接崇嶺
白處生浮嵐
上有百尺厓
下有千尺潭
爾非^秦龍
子那敢窮幽探

清露下連臯

蘭缸照虛牖
幽人已復醉
更酌尊中酒
登_{高城}
拆深巷鳴雞
狗夜久不成眠
倚闌看北斗

西軒詩為

襄垣府將軍作

朝光麗朱印
夕雨明綠芳
陽休一何嘉
顧眺臨西堂
西堂鬱以邃
杳_{塵務絕}
右圖復左史
回翔盡髦哲
宛轉膝上琴
窈窕鄴

中吟嗟以詠我懷
琴以宣我心
淮南建黃屋
梁王闕東苑
侈縱匪不娛
終以冒皇憲
皇憲不可冒
侈縱不可延
美矣王孫德
永茲黃髮年

七言古詩

分韻得岳子送邢侍御出按秦中

函谷關頭雞喔喔
驄馬凌秋向西岳
岳前石子何瑩
确綉衣侍者
斧在握冠上
神羊峨一角
西抵龍荒北
幽朔百二河山
眼中邈渭水清
汪水濁
須君激揚無憚數

贈陸文質歸雲間

橋西落日橋東虹碧烟黯黯秋在正中九峰仙客泛槎去鶴斃虬
髯吹晚風槎頭乞藥人如市共說神方能起死海上傳來語不
虛青蛇本是龍宮子月光星影動銀灣河鼓天孫指顧間長安
亦有君平肆莫避雲濤隔歲還

題程時昭所藏畫鶴圖

程侯手持雙鶴圖索我為作雙鶴篇高堂展玩羽翮動碧落青
丘如眼前丹青爾何人天機入幽渺斷霞殷殷江日晚雙鶴如
人立松杪跛者自跛鳴者鳴華亭遼邈緱山杳宛轉如思珠樹
林蒼茫誰識九臯心吳王郭裏秋塵滿漢帝壇前春草深西山
玉臺不可見東溟金竈已難尋吾想丹青人前身恐茲物華表
歸來氣紆鬱五里徘徊月中宿不然形神安彷彿程侯程侯霄
漢姿三春作郡楚江湄休令怨嘆分行去化履升雲會有時

贈張氏汝吉汝誠兄弟

魯川何迢迢太行亦蒼蒼行人躍馬出門去何異飛鶴東西翔
愛君此行飲君酒君家弟兄古未有夕郎清迥雕鶚姿秋曹盤
礴雷霆手朝論同歸攬轡年家聲况是埋輪後青春衣繡下中
臺山東山西花欲開休嗟羽翼經年別早喜陽和及草萊

送歌湖赴湖南提學

征旗帶落日出門君已逢層城不隔夢夜度盧溝橋盧溝橋邊
山簇、故人卻在城南宿誰令相見轉多情翻恨遲行不如速
江漢風烟遲早春關山雨雪封邊塵臨岐莫動殊方感予亦東
西南北人

遊三巖洞

括蒼山叢紛阻備我來處、歸冥搜南明雙屐始著地探竒又
作三巖遊三巖三洞神仙府重門窈窕烟霞古山鬼終天護秘
文巨靈何代煩神斧寫驂鶴駕不可尋飛蘿懸鳶自陰、揮杯
獨酌巖中水一片清水澄我心丹丘碧海尋常是嘆息終年在

城市便擬稽生著絕交長向山中訪松子

題高幹畫竹

武陵豪士仙中人清和灑落無纖塵平生富^貴不足道筆挽造

化回陽春坡真可妙最堪惜老息森嚴露形迹鷗波亭外寂無
人五雲山氣凌秋碧山氣凌秋勢薄天凝雲挾霧快騰蹇峻巖
峭壁幾千仞此士直欲窮其巔從來能事不受迫醉裏蘭亭難
再得東君此幅何自來千金寶劍連城壁枝幹依稀叢葉同天
機妙解却難工就中一片飛白雨爛然琢玉寒玲瓏蹇予最好
瀟湘景見畫令人發深省曲處疑聞爽籟生深中似覺陰風冷

半牕疎影和醉眠
珽管春寒詩思牽
玉蟬吟吸鷓鴣露
文綃細簇玻璃煙
却思相國頻相見
自謂相求當不厭
嗚呼豪士不可追
何時為掃鵝溪絹

送董生歸四明

昔年見子黃浦上
义手向人持禮讓
石麟天馬驚殊相
今年見子披雲樓
珠樹凌空劍倚秋
乘槎歸作廣寒遊
杏花香裏櫻桃晏
草色羅袍碧於澱
明年此地重相見

送秦用中文學

玉真臺下三間屋
屋後有松前有竹
廣文先生雙鬢禿
長對青藜夜深讀
有時不中亦不服
獨跨瘦驢携短僕
五老峰前看秋瀑
有時芒鞋步江澳
月落詩成江鬼哭
石底流泉手親掬
歸來煮茗窓下宿
清夢蘧蘧謝梁肉
鳥聲墮枕猿掛木
紅日三竿睡初熟
食罷晚盤歌首藉
為剪溪雲封尺牘
長安故人勞遠目

送錢士宏監稅杭州

城頭旭光翻早鴉
水部使者驅行車
行車悠悠向何處
未到行曹先到家
行曹去家餘百里
攜李西來岸如砥
吳岫雲連越岫雲
西湖水接東湖水
鄂王廟前春草青
蘇公堤上花冥冥
炎州逐客應相別
想見鷓鴣原萬里情

孺子宅送程南昌

豫章城南高士眠
豫章太守榻常懸
漢廷使者召不起
土室城邊門江水
邊江水悠々朝市改
故國荒涼宅安在
墟里遙看變夕烟
墓田誰爲羞春蒞
使君五馬雙朱輪
露冕乘春意氣新
下車先問南州客
恐有當時下榻人

醉中贈王少尹

陽城少尹才且賢
佐邑三載名流傳
相逢盡道是青天
惡少豪徒不敢前
松逵人靜春草芊
邑中老幼高枕眠
政成奏績來日邊
聲光赫々誰能先
冢宰見之呼少連
大書上考朝廷宣
長安

雪梅開早年手捧尺檄別
我還城館寒燈開夕筵
銀河掛窓山月偏欲醉不醉心
茫然天明一咲上馬去他日
重逢赤鞵懸

贈尚子

意氣憑凌一當百
關西儒生五陵客
少年學書後學劍
老大蹉跎雙鬢白
門下諸生半賜麻
閨中小婦猶吹麥
布衣東來謁天子
春日醉卧長安陌
陌頭花絮夕紛々
瓊閣如天隔紫雲
皓歌翻然却歸去
眼底誰平原君

壽許太宰

明公昔乘御史驄
問俗直過東山東
海底鯨鯢失巢窟
草間狐

免無留踪明公今曳尚書履手握星樞正天紀詔草親勞主上
裁蒲輪特為蒼生起白首兼持將相權中朝五福幾人全威加
朔漠三千里身繫安危四十年明：袞職誰能補籍：人稱仲
山甫不獨芝蘭滿徑遠盡看桃李填滿戶桃李陰：壽域開帝
垣西畔接蓬萊朝回欲致長生祝咲對南山歌有臺

輓聽竹山人

江雨夜合涼雲秋江翁騎龍上天遊玉棺沉：土門閉江翁只
坐江頭地江頭苦篁風葉老下有中車往來道相逢啼殺感恩
人淚濕斑花愁不掃斑花自濕人自氣江翁一去何時來烟波

冥冥渺千里空托招魂賦湘水

吳將軍轅門夜宴圖

營門花發春酒香濃點醅酥炙黃羊美人胡歌健兒舞蠙鳳啼
風月當午高簾飛幙絲吹騰觴波擲：梁雲凝主人醉眠客不
醒探兵枕戈戍煙靜

邊華泉集卷之二

騷體

山有雲贈閒翁也閒翁家於婺水之上既壽且康其子僉

憲君宦遊山東以不得恒侍左右為恨客有為之作望雲

詩圖者野史氏聞而感焉乃援琴而歌曰

山有雲皓其光兮以飛以揚兮覆我翁之堂兮我堂兮日閑我

翁兮在山雲朝出游兮暮來還視我翁兮實居其間嗟

巍兮雲則永棲我翁之樂兮干祀其無涯

薛封君輓歌三章

沈寥兮江門公之逝兮鹿豕群奔公今何居兮泉局鬱幽誰與
公兮遨遊

泉扃何有兮厚土綿綿上踣松栢兮下奠泗淵公宵處兮晝爾
瞑洞神理兮暖千年

弦誦兮初嘗公漸兮四鄉綠桂兮青嶠有嚴兮公廟盍來兮慰
我人懷兮

賈太史母太安人輓辭

中寢閨寂兮夕風以雨靈薄陰沉兮莓生於廡棘人返兮戀戀
宵慈顏兮莫予覩歷連字以周望循園廬而撫膺攬堂背之故

護纈雜還兮落英擷芳荃以為旨奠桂椒以為漿靈偃蹇其至
止怛進拜兮彷徨杉輦兮栢輻文驪兮素旂啓殯宮兮山之阿
送母氏兮永歸重曰茫々厚土閔虞淵兮白曜廻光燭幽玄兮
陟彼峻岵睇流雲兮神理超遙眇氤氳兮嗟予寡翼安彼逝兮
窮祀剪剪悄終慕兮

野泉詞為郡守高子洲作

時以述
職如京

野之水兮悠々子不樂兮遠遊子遠遊兮要津悵予獨兮水之
濱水濱兮躑躅泉瀾々兮波綠願從子兮九重花霖雨兮隨飛
龍々飛兮在天膏下土兮吾泉與子歸兮泉之野以逍遙兮冬

夏
樂府
君馬黃贈祝仁甫

君馬黃我馬蒼兩馬相逐君馬良君馬來自函關道我馬空山
食秋草憶昔兩馬初學行長安見者神色驚魯凋驪黃未足論
衛丘駭北虛馳名豈料長成人少顧十年不踏天閑路逸群翻
惹太僕嫌騰握正中奚官怒以茲流落在風塵南走荆梁西入
秦自傷萬里汗流血誰道五花雲滿身棄置不須憐我馬君馬
亦在鹽車下疾足由來控者難驕嘶自合知音寡吁嗟君馬天

下無且向沙場暫秣芻北來司馬今伯樂肯使君王空按圖

杜蕢

曠飲調飲臣蕢意飲酒生微風天風凜凜子卯不樂君臣始終
爵亡言存千古無窮

紀叔姬

國亡君亡吾將何歸父母邦魯先君墮鄫歸不于魯而鄫是依
烏乎賢哉其紀叔姬乎

石祁子

冠珮則北吾弗敢知吾所知者吉凶異儀或北或否偶邪非偶

大哉禮云臣子常守

四友亭詩有序

序曰鎮江之墟有亭峙焉左松右竹前梅後栢許氏四兄弟之所居而友之者也松友伯馬竹友仲馬梅友叔馬栢友季馬是蓋齊堅普貞異體一情者也昔姜氏以同被為懷田家以感荆再合薄俗敦焉古今人豈異也路遠靡致高風難挹爰徵厥好聲為四詩雖莫助於友于要亦無辜懸慕云耳

伯氏曰我所友兮在岵峿直幹矯々排風雷千秋萬歲倚崔嵬

美人贈我雲錦青何以報之松下苓朝飡暮餌通仙靈駕青牛

兮凌紫庭

仲氏曰我所友兮在淇澳苦節媚々樂幽獨千秋萬歲無剪扑

美人贈我絲錦裙何以報之竹上茹朝飡暮餌康且癯駕青鸞

兮凌紫庭

叔氏曰我所友兮在孤山繁英燦々開冰嶠頽千秋萬歲倚清寒

美人贈我素錦綯何以報之梅白華朝飡暮餌精神和駕青禽

兮凌紫霞

季氏曰我所友兮在新甫銅柯蹇々霜皮古千秋萬歲辭斤斧

美人贈我翠錦裙何以報之栢子仁朝
飡暮餌容色新駕青虬兮凌紫雲

美人迎神
陟崦嶮兮望九嶷玄雲溢兮靈御馳裸二女兮駢文螭飛蕙蓋
兮蹇翠旂沅湘兮無波洛陽兮際霞風伯兮前導挽槍兮後羅
山有木兮木有松懷重華兮心忡忡
柝酒兮鼙鼓逢神之降兮風颯颯兮將愉享兮君山之宮

送神

重華兮降歆湘君兮並臨來聯翩兮共御歸容典兮同心假靈
保兮陳辭鼓南風兮瑤音蒼梧眺兮極浦洞庭波兮風雨蛟龍
蜿兮晝吟鸞鵠下兮群舞睇靈光兮不見切予心兮愁苦垂窺
窺兮餘澤為霖雨兮下土瞻有嚴兮遺像願嗣續兮終古

唐夫人操為都玄敬祖母作

白揚翻兮翳于墓門誓良人之不沒兮孤曷與存瞻彼中林
兮豺虎縱橫我室我安兮我孤我將嗟兮孤有成兮我目則瞑
兮

門有車馬客為顧侍御廼翁賦

門有車馬客云來自吳下相逢問丈人草服在中野中野何所

有有園亦有疇青槐蔭君堂文杏為君樓樓上置書史下繫雙
桂舟園中古松樹甘露降油油居人被其惠行者藉其床阿兒
冠豸冠阿弟登龍頭出入鄉黨間光塵滿道周崑山岷崖峨湖
水繞下流丈人樂相樂延年方未休

都義士

母存兒亦存敢以身許人母死兒可死兒志良以伸我字舅葺
我桑舅植我室我家維舅力我生有兒舅無子舅有急難我當
死于嗟乎國士之義義與秋雲高聶政荆軻俱爾曹

李將軍

李將軍七尺身丈八矛生來骨相當封侯錦袍白馬如流電一
歲長安一相見不掃胡塵向朔庭空隨漢月歸鄉縣李將軍雄
且英山東塞北咸知名嗣忠堂前世澤遠且讀父書調母羹君
不見長楊羽騎如雲集天子勤邊方好兵

周司徒

周司徒真丈夫直氣稜々霄漢俱致君不作堯舜主拂衣歸卧
山中廬山中臥今幾載鶴貌童々履聲在十書五疏招不回九
重虛席空相待北來頽利西羌胡爭問司徒今有無乃知繫國
輕重者不獨廟堂公與孤周司徒真丈夫

芝山操有序

芝山也者丹徒許子之自號也空同李子為賦之辭有

山中意招隱之意焉夫許子者方秉憲以齊政簡書在躬其奚

以及此也而商顏之歌豈其心哉於是齊人有華泉子

者乃援琴而反招之作芝山操焉其詞曰

山之芝兮紫英遐不見兮我怍之逝將歸兮以頡以烹曰以笔

予親之羨解一適脩眉兮四翁日遊戲兮山之中朝予望之兮夕

夢其下盍反轡兮吾馬解二子之轡兮言反顧周道兮云遠氓之

靡家兮皇不有儲嗟之子兮曷寧其居解三

雙清操有序

承菴子觀風東土秉憲齊政厥聲孔彰覃思藝林靡典

弗究爰述三解寄悰七弦目曰雙清操焉

臺有栢陰兮分皇鑒在上昭臨兮栢之陽維我之堂我激我

揚曷我人弗臧兮雪斯川矣月斯淵矣匪淵匪川維我游之天

矣

次杜工部秋雨嘆韻東希尹

睡起山厨濕烟白堆盤忽見紅蟹鮮狂夫對此興不淺恰值床

頭無酒錢簷雨霏暮聲急蓬頭獨倚闌干立美人可望不可

攀閒誦枯魚過河泣暮華
運荃籬菊寒繽紛半紫半黃花似雲若令此物混桃李雖有貞
固何由分華陽老人頭半黑坐對幽芳三嘆息屈平元亮今不
逢莫向西風論價值

吁嗟屋漏不可數四壁頽牆少完堵自緣物候近重陽恠底滿
城終日雨城南山寺風且寒欲往只愁行踞難伏枕高歌夜不
寐床頭壺酒旬日乾

桐江水為王推官贈別

桐江水深幾許司行來使旌舉夾岼垂青陽豺狼化田鼠桐江

水不可泳以游司刑擊蘭楫駭浪成安流司刑匣中三尺鐵隱
隱星光粹鷄血鼠移巢窟龍失其波桐江桐江柰樂何

車達遙送錢伯川監稅河西

一車兩雕輪宛轉行不已悠々河西路去々百餘里孟冬北風
冽河水寒不流朝散城東門暮至河水頭誰言近別易近別心
更苦只尺不相看天涯在庭戶君行西河上幾日河柳春攀條
采柔芳願寄同心人

洛陽道送劉少府

沃野萋柔桑翩々春鳥翔使車天上来白屋回青陽青陽為雨

露不為冰與霜水霜易流鏢雨露思迺長誰能泥朱幘永庇嵩
洛堂

車逢遙為前人賦

車逢、風起沙蓬卷離腸逐雙輪輪轉腸亦轉雙輪轉轉臨大
河雪花如席水差峨盟津渡頭燈火亂洛陽城邊冠蓋多車逢
遙載君行載君返赤鳳啣書下紫雲回期莫待春華晚

賦得萬里橋送客

萬里橋邊樹如薺蜀使入吳真萬里臨岐記取丞相語萬里之
行此其始英雄一往入代芳錦水湯、鎮如昔遺陣空思雲鳥
形脩梁已荒車馬跡旬宣使者家在吳入蜀今為蜀大夫登橋
攬轡一回首慷慨能輕萬里途

運夫謠送方文玉督運

運船戶來何暮江上旱風多春濤不可渡運船戶來何暮裏河
有閘外有灘斷蒿折纜愁轉般夜妨虫鼠日妨漏糧冊分明笑
升斗官家但恨倉廩貧不知淮南人食人官家但知征戍苦力
盡誰憐運戶船運舡戶爾勿哀司農使者天邊來

送劉約中之金陵

自君之出矣途長夢亦遙南風何日起吹轉木蘭橈自君之出

矣長望石頭山山高望不極目送碧雲還君到石城邊應看石
城樹樹杪百尺臺是儂行樂處

濟寧劉使君提刑晉陽過新鄉之墟其友人曰華泉子者
適遊蘇門傷其別而不得見也於是賦車逢以招之

車逢向何許去君只尺地不得一相語憶昨與君遊大梁署
雲拂蓋流塵黃回頭轉睐復幾日草木零落飛嚴霜山中獨行
歲華晚烟留月終誰能逐逸客長懷阮嗣宗仙翁却吊羅公遠
聞君五月登嘯臺何郎許子相徘徊酒酣清歌睨白日萬里颯
颯長風來人生得此亦自樂何用苦教纓冕縛不見昔時賢達

人強半遺跡在丘壑車逢將柰何太行積雪寒嵯峨贈君七
尺紫藤杖並履間尋安樂窩

臨高臺為謝內史題觀日圖時內史將省母歸餘姚

臨高臺望三山曜靈出海光以爛浴咸池登扶桑羲和總綏六
龍服箱回精白雲舍流采黃金堂金堂客子及秋返雲舍萱花
凌雪芳臨高臺心不板極朝懷親夕懷國却到江南望江北

題畫

散髮兮江阿曳青筇兮裳薜蘿風颺兮鳴琴倚文石兮藉莎
石畔兮何有有蒲兮與荷翫芳兮流日矢心兮靡佗匪人群兮

言絕慨新聲兮孔多

題王廷簡像

玄其衣纁其裳瓊琚玉玖鳴鏘之端而容肅而止儀冠峨我若
山峙主群祀禮百神精明之德通天人上郡城邊無吠狗駁馬
胡兒望風走李廣汾陽是其偶于嗟若人古良守

題金谷園圖賦得綠珠怨

誰言妾命薄結髮承主恩誰謂妾身輕寵冠金谷園園中桃李
千萬樹對妾妍華避無處徘徊歌舞曲未終門外戰鼓聲逢逢
當時只倚紅顏貴豈料紅顏為主累主家高樓天與齊妾身不

惜委黃泥他生願作啣泥燕長傍樓中梁棟棲

築橋怨

橋之築人痛哭橋之崩人不行不行猶自可痛哭悲殺我虬鬚
環衛鱗服尊誰其坐者魚朝恩磚廠供磚石窩石役夫一丁錢
七百五州十縣走登登前後兩年方告畢沙河橋千歲牢渴死
道上人旱殺田中苗願天不雨水勿高馬蹄踏之橋土裂中有
後夫膏與血

斷絃引

離琴掛幽壁玉軫朱絲絃美人不復來華月生秋圓臨除拭金

徽絃絕軫難續昨日白頭吟今朝斷腸曲軫是美人繫絃是美人調人亡琴亦亡獨坐悲長宵

題豐內翰愛鳧樓

春鳧呼其侶拍戲芳渚一鳧忽驚人群鳧共高舉回翔集城下點點散如雨愛鳧古人今幾秋夕陽江上空高樓馮闌獨送千里目平沙莽寒烟綠

兩節婦為毛給事用成作

姑曰婦嗟爾芳齡始二九綠髮紅顏何可守婦曰姑上有姑下有鵲姑不勇負吾寧忍負夫婦姑相向中遠立抱鵲蕪蕪籲天

泣天乎不剪毛氏宗曰甘自春井自汲鵲生三鵲宗日疆更有小鵲如鳳凰苞羽翩翻被五采遠簪白筆登巖廊登巖廊心獨苦回望滇南兩丘土君不見貞女墓上木青高入雲路人兢指毛家墳

五雜組戲三平董元

五雜組袖中綃往復還金翠翹不得已且逍遙
五雜組佩瓊玖往復還捧觴婦不浥已且開酒
五雜組錦繡帷往復還城外岐不得已換行媒
五雜組床上綃往復還使者愁不得已正綢繆

五雜組富家廷注復還河上船不得已買花錢

將歸篇聞希尹有東歸之念作此招之

對面有華絕千里長相思登高望來車入門賦將歸驚風何飄
飄歎兔奔間啼群鳥各有趨他鄉難獨依令人感悠悠浮雲馳
悠悠尚可道霜露隕百草獨 廬墓哀為揚名父作

廬墓哀廬墓哀墓上有花親手栽春風一番花一開親魂去矣
何時來魂不來兒不反空林月落猿聲斷泪花着樹花已空傷
心何處吹羌管

銀臺墓為韓通政賦

銀臺墓蕭關路落日春草青蒼山起寒霧蕭關路銀臺墓墓前
嗟哉石碑古下有雙棺閉泉戶夫為正議妻淑人四封三品俱
皇恩先銀青後銀紫生兒願得銀臺子銀臺功業何可知請向
墓前看制辭

病婦行為憚功甫悼亡

妾嫁郎終十五辛苦為郎立門戶舅喪未了復姑喪十載牛衣
一環堵薦書初下郎有名寒冬携妾來京城可憐弱質犯霜雪
春花一夜成秋零左攬兒右牽女淚濕枕花紅淒淒背燈語招
魂須故衣埋骨須故鄉郎恩豈云薄妾命自不長解錢繫兒襍

留市梨和棗接釵穿女裳留作嫁時粧兒女勿啼郎勿哭喪車
不反泉臺轂

嗟克明為段僉事惟勤廼翁作

孰謂弟無子元子為後與子同孰謂天有知三子天以殤無後
翻在躬嗟而克明為子克子元克元吳人至今傳為吏公且平
嗟而克明莖以一命服祭以五鼎烹有子官度支出典邦國刑
鉄冠白筆紆素銀青過家上塚泣所生以三尺孫嗣宗祊謂天
無知天竟有知嗟克明

歸人哀為南海張進士作

歸人哀、不極雙墓纍、五羊側親顏欲見不可得夢裏相看
畫中憶養兒謂言得兒力畫錦歸來掃荆棘百金置酒千金庖
散作空山老鴉食歸人哀、不極

接樹嘆為方舉人廼翁作

朝汲水暮伐土山人接栗山中圃白頭翁嫗感且傷那能更待
渠實嘗春風花開秋結果玉盤跪進黃金顆水魚凍笋古有之
誰道蒼、不関我我圃之樹今十圍雙親何在塚纍、山人見
之雙淚垂

傳本學二親輓歌

夫荷戈妻辟纁渡江北來戍京都京都主將多錦腴夕幘朝衙
馳渡驅恨不為君西擊胡四十二載空良圖大兒官至執金吾
小兒廷評究獄無諸孫亭々俱丈夫興來一飲酒百觚長歌激
烈聲鳴々源溪冬寒水不枯笑將白髮歸黃壚翁生有聞翁不
孤

歌行

席上贈子立內元

碧柳毵々黃鳥過城隅早芳媚雲波登高宛戀鄉思多玉壺倒
盡難成配欲留不留將柰何韶華荏苒空蹉跎携手東陌上忽烟

光忽已夕眼前相對不盡懽別後封書復何益君不見鳳雛短
翮棲高桐驥子草伏山岳空看君不合在岩穴土塋年々春杏
紅點春衣明年此日應相見千里家園亦暫歸

白岩公墜馬次杜韻奉呈

我本使君幕中客慣趨廣庭侍雙戟兩晴拂曉時一過齒々屐
痕開藪石使君何所作白羽搖々藤七尺使君何所好湘縹在
床琴在壁邇來使君偶墜馬十日不踏長安陌芳英落盡春已
晚影倒青林日光射君不見少陵老翁亦傷足猶對驂騮歌噴
玉又不見漢庭司農不受辱自比轅駒悲局促人生須作壯士

豪安能蚩々等胥僕城西有山如少室城南有村如杜曲映水
岩雲鎖翠微隔花山鳥啼蒼竹君須乘輿我須馬磁甕滿載春
缸綠酒酣援劍共起舞詩崇病魔齊就戮

贈東山謝萬戶

萬戶侯丈八矛臨川四境俱休休萬人皆千鍾粟臨川四境俱
鼓腹壯有立老有歸英巨峯前春草肥白頭高眠草堂下前植
青松後梧擯臨安路與臨川通共道將軍多祖風有姪如絃子
如琰不獨東山別號同

守郭老先生進階三品寄賀長句

朝賞冶城花暮折長于柳邂逅相逢太史君

守郭子也逍遙却憶程

番守程番老翁垂八齡頭顱半白雙瞳青看山遠步時忘返中

酒高眠日少醒昔在先朝歲庚午投荆自愧分銅虎翁壽終交

六旬一我齒恰當三十五忘年結好心綢繆峽月巴猿兩見秋

弔古同尋庾亮宅懷鄉竝倚仲宣樓那知世事多遷變倏忽還

如零雨散金紫翁方拜國恩衰麻我適遭家難家難迤邐涕淚

餘傳經重駕法臺車蘭陽夜火黃精飯汴水春風錦字書問翁

北歸今幾載可念江陵舊僚案太史遙從故里過里申爭賀新

御改新御故里樹新坊白日門連綵綉光岳峰蒼翠河流曲暮

景優游共短長

賦得江上草贈燕泉何子南歸

江上草何青，使君歸來朝戴星。問君，不言挽君，不停十丈風帆疾於矢。蒼梧風深竹花紫，雲中之君呼不來。空餘泪滿瀟湘水。

請君細鼓南薰調，日對虞皇發長咲。

賦得泰伯祠送龍致仁僉事

萬乘尊如浮雲髮，乎可斷身可文弟。有雍孫有扎，百代清風見家法。牲牢脂黍稷，香帛烟裊簫吹揚。使君祭掃廟門掩，陰風颯

颯靈旗颯

贈錢伯川歸錫山

晚上黃金臺，夕登潭柘山。白雲何油油，下覆鴈門關。愛君此行為君羨，白頭阿母今相見。我身欲飛無兩翼，杳官風塵隔畿甸。君家堂前二古松，枝柯偃蹇如虬龍。南牕恰對梅花塢，西牖全當天井峰。伯川之水舊姓吳，川上山形列圖畫。昔稱讓國今稱孝，乃有地曹錢大夫。大夫今為反哺鳥，登堂壽親不孤棄。官就養人所無，誰言大夫已矣乎。古來廊廟須江湖。

送周公度下第

征駕嚴曉裝行，及春陽離心曠幽邈。如彼江路長，江路長雲
漢，東樓歡笑一迴首。十載高情鎮如昨，先生負竒氣，曾次何
磊落。平生自許梁棟材，國門未築黃金臺。散裘長劍慘無色，可
憐五上空歸來。空歸來，勿凄楚。君不見齊無鹽，今日椒房貴。昨
日採桑女，又不見商傳說朝辭。版築暮霖雨，人生窮達會有時。
世間俗子安得知。

送嘉言經略赴陝

前年使長江南，今年使長城。下使君自有開濟謀，不在舟航即
鞍馬。馬行萬里道，君抱萬里心。二月春草短，雲愁沙磧陰。長城

路通咸秦，古來轉餉多名臣。後有李唐前有漢，君不見蕭何與
劉晏。

送沈仁甫歸省

瓜洲渡三江，踞客子將母心。湯水東赴水東赴，送客江上還。
前年奉觴衣白鷺，今年奉觴衣白鷗。子階日以崇母心，日以樂
樂在平反。多豈論官與爵，君不見漢家京兆雋。不疑母子聲名
天下知。

送少傅劉先生祭掃歸釣陽

夕霖清上郊，朝日麗層漢。傾都車馬出，載路行人看。元宰辭掖

庭翱翔下東觀東觀逶迤複道長涼風飄轉賜衣香天曹舊識
尚書履秘閣新加學士章秘閣天曹俱要路一代人才真有數
御史中丞次第遷總戎司馬從容步謬、危言震百僚巖、師
表重三朝啓心不負天王托破膽猶聞北虜謠晝錦歸來故鄉
縣宋臺梁館經行遍帑錫從教父老分上珍獨向丘園薦三秋
霜露石麟寒四世封章帝澤寬休對青山賦招隱早看黃詔但
回鞍

送高大叅升方伯入閩

昔我分符作荆守我公坐鎮黃河口繫馬殷王廟左槐開筵衛

女堤邊柳公令叅佐臨我邦我亦抱府眠芸窓溪樹陰陰白日
靜干旌時到木蘭艘回思十二年見相歲華倏忽驚流電路岐
迴複餘萬程宇宙陰晴經幾變憶公安得常見公古貌依稀魂
夢中但看卸報知遷轉鄒記官階早與崇餞賓雜還喧徒御斜
月蒼涼郭門曙獨鶴孤琴一蓋飄我公遠向閩山去人生垂翼
豈有恒大舟淺水固難勝扶搖直上自此始不見天池六月南
飛鵬

送楊遠菴督馬關西

狼星掃天西虜來飛勒叩關、夜開當關空列貌虎士伏櫪不

見麒麟材朝戰關頭暮關下瘡痍大半徒行者箭書入報宵旰
憂拊髀翻思大宛馬中丞主馬朝命新威震動地驚故人長城
迢迢亘西北萬里可當公一身秦苑草青秦水旨魯垞衛丘那
足比我公息馬兼息民民保田廬馬生子天煥在野寒在槽馬
子日肥民不勞三軍校閱錦雲亂萬蹄蹴踏沙場高將軍騎出
天驕遁玉門烽靜班超覲我願歸公登上台他日用賢如用駿

送趙華鎮之東安

趙華^侯別我何可適華髮遠為淮甸客鎮日相逢只獨醒主人笑
君太拘迫簿書集案山嵯峨一入官曹事即多箇裏韶光最堪

惜眼看春樹葉溼溼

趙南渚席上送秦鳳山分體得栢梁

我家東海君東吳一日相逢遊上都官居並結城南衢會面不
問晨與晡登山臨水時一呼白馬青衫光照途見者謂是游俠
徒豈知義氣卑王盧中宵坐感頭白烏朝辭闕庭暮江湖雲泥
忽如鴻與鳧夕陽下樹秋嘯孤迴風策策鳴脩蘆于嗟離心不
可圖何時歸來江上艫

分題得鵲山湖送維正李憲副之山東

齊門東沙迤平雲幕湖冥冥使君來來麥秋晚柳陰陰畫舟遠

瘦蒲疎荇逗暹香南浦煙光接西堰堰北山靈鳥聚對面潺湲
華不注山前綠稼隱茅茨舊是齊儂釣遊處橫梳越水滸飛踏
青芙蓉華陽洞口跨白鹿醉吹玉笛呼眠龍長鏡野老逐李邕
錦袍仙人隨赤松石壁土花秋靡靡古蹤悠悠鎮如此要留洒
翰洗蛙蟬雨林夜黑啼山鬼

送盛醫官歸吳中

昔我遊東吳訪君閭門郭石井泉邊晚開酌興來同上春雨亭
醉裏不知江月落扁舟一為別幾見薜蘿春我縮曲臺綬君垂
釣臺綸震澤霜波愁外渺虎丘雲樹夢中親四年不得一書札

只問江頭來往人昨朝覲面鳳池曲鶴骨稜々猶在目料君應
恐驚世人角帶烏巾強隨俗世人久知吳下名喧傳盧扁今再
生藥丸到處衽席起大門小戶爭扳迎東樓一夜鄉心發忽着
荷衣向人別憎君歸計何太忙水上風煙觸炎熱玉芝瑤草滿
山家住日應多來日賒願留丹訣與知己晚歲相尋凌紫霞

送陳邦瑞侍御巡按山東兼過山西省親

缺蟾墮崦闔樹蒼長河白淺波雲光殿中使者踏曉去驕馬遠
餞金繡香齊山青青晉山紫兩地彩驪看柱史王程不放晝遊
閒隼背剗風鷲千里山郊候人如羽立停色郵郎報函急屈軼

技明海岳寒神羊影射狐狸泣曲臺宦子離怨新四歲簪袍羞
後塵拜君東行勿草草張桓已謝滂公老

送侯良弼之湯陰

虬鬚使君乘鐵驄鄴南古道行秋風居人不解明府號爭看印
章垂赭銅使君登座衙鼓發簿吏趨踴來走謁止是陽春一片
心誰教化作琴堂月月明照見水絲影流水聲高聞四境却記
中條罷講時山雲夜覆簷花冷黃口小兒把刀筆抹黑批丹誇
法律豈知漢吏推明經不住區區三尺刑

送同年少宰汪閑齋考績北上

鳳闕開晴霞龍樓啼曙鴉春風上春月吹滿上林花上林花色
明如繡亞相考功新入奏遙從花外駐公車更向花間聽禁漏
禁漏丁々雜珮環朱衣玉貌動宸顏銓司藻鑒懸秋水憲府威
名重泰山廊廟雍容需袞職徵迎不用皇華敕元知北斗近三
台早見東人歌九或都下舊遊懷丙辰回頭二十九回春看花
借問當時侶白髮重逢今幾人

送都憲梅田顏公赴召北上

元精鍾海嶽勲業樹乾坤位極南曹長階遷北院尊晴雲開水
寺旭日映江門江門水寺張高宴旭日晴雲麗京甸天府爭誇

藻鑿名烏臺共識冰霜面涼風八月桂始花碧葉飄霜疑散霞
戟前白鷺能窺隱冠上神羊慣觸邪神羊白鷺威千里川后澄
波淨如几百度風行草野間群僚色動班行裏却憶武皇臨御
初公居光祿禮臺予含香近切奎三象秉笏親陪第七車二十
年華速流電遲暮金陵重相見蹇劣甘投林下棲差池豈分江
臯餞中興天子新舊邦須公開濟啓明堂大臣憂樂先天下記
取希文記岳陽

壽屠左丞

異才生間世聲業播乾坤權總西臺長官登少傅尊青雲連甲

第白日映高門高門甲第開華宴白日青雲麗芳甸縹緲鸞書
海上來踰躑鶴駁圖中見涼秋九月天宇空紫衢合沓飄香風
黃封錫命來中使玉帶稱觴列上公上公中使分先後共指南
山祝眉壽七十遐齡古已稀三千賀客今誰有南山何物比嶙
峋雪鬢霜髯七尺身他日麒麟須畫像此時龍馬是精神予本
東州牧羊子姓名曾入山公啓執豆叨瞻末坐光升歌敢並群
仙齒明公持法、不私春陽多在汝陰時漢庭赫、名臣傳異
代同倫張釋之

貞母行為揚晉叔母夫人壽

同牢不踰年中道相棄捐阿母當日心蘭室如黃泉兒生不見
父但見山頭土向母索父啼母心良獨苦脫珥易書剪髮為羨
菴三十霜兒也成令名成令名事元后封章來貢林藪鳳冠
峩、翔白首右珮璫瑜左瓊玖天與喬齡報貞母不然安識少
師門今有後

光祿丞為趙天挺乃翁壽

光祿丞白髮何耗壯遊江北老去歸江南江南水鄉地可住
漫可常釣魚以為羨汲泉為酒漿曉日張瓊筵有客白其馬諸
孫繞膝傍遊子拜庭下光祿丞福如岡壽如陵墅西十月梅花

白不用登舟唱采菱

席上次韻劉遠鎮希召南雍劍客歌為八十翁阮毅夫賦

虎頭突兀鳶肩高將軍將軍真古豪已有精忠貫白日更有逸
志凌青霄少年帶劍方城裏朝獵登山夕臨水結交氣意無南
北俠侶遊朋來遠邇出門白馬驕如龍飛黃不受徒御驚心輕
項羽匹夫勇身許蕭何萬世功平生好詩有詩癖時向江邊尋
古跡誰論北海孔文舉未數東山謝安石帳底高眠強敵愁共
說將軍無與儔淮陰壯士富才畧會稽老子多陰謀中年華髮
忽成素歎惜流光近遲暮辟穀真成陸地仙學易上究先天數

子歌孫舞終日歡城有堞兮江有瀾他時漢水襄山道應見青
牛西出關與謝郎同遊壯士當十萬會談上卷之劍精中平筆勢
古澁畫松歌壽白巖太宰建東山精爽不凋方信即此真身共
今辰何辰到巖谷太宰堂中見喬木颯々重簷風雨來冥々四
座烟雲逐初筵賓客俱改容細辨始知為畫松霜柯雪幹搓牙
起碧鳶青蘿宛轉封星除夜靜飛霹靂彷彿蛟龍在東壁培植
深疑造化偏推移頗訝神功疾天生鉅材非偶然上摩霄雲下
重淵已閱南山到平陸更看東海變桑田桑田平陸真俄傾古
貌蒼髯歲華永天上休誇種白榆日邊謾說栽紅杏中興天子

棟梁建明堂宰也執珪登廟廊松乎松乎合與宰為伍萬載千秋充

棟梁張夏道中遇雨短歌示同行希尹諸子

南山北山雨如注寒風颯々吹山樹中河水發行子愁塞裳欲
渡且復休黑霧蒼雲蔽村舍只尺誰能辨牛馬嗟哉出門百里
行路難我今胡為在中野

林賦三月行

往年三月春多旱農夫望雨空愁嘆今年三月雨太多農夫轉
愁傷早禾却憶先皇御宸極陰陽和調人足食萬方只解歌太

平百姓何曾知帝力嗚呼鼎湖飛龍去不返五風十雨何由得
題王二採蓮圖次壁上沈石田韻

秋塘露下菰蒲冷野鷺沙鳧直相並東山月出一丈高岸柳垂
垂見踈影雞鳴浦口漁伴稀自採紅蓮溪上歸

題石田畫二首為楊仲深作

夕陽半落群峰高古林萋迷猿正號欲招同人眺野色安得楊
州何水曹近煙蒼々遠烟白此時獨作村西客君不見石子岡
頭蘿薜深麋鹿成群詎相識

平生不識石田子徃々相逢畫圖裏世傳百本無一真抹青塗

紫俱門人秋堂對此雙眼豁倏然置我溪與壑君不聞畫家貴
意不貴工只在溟々漠々中

為王工部大用題菜園

采采雨間葉青々陌上春欲知疏溉力試問園中人紛々鍾鼎
徒醉卧飽者哉不謂丹青手能傳使君意使君有園十畝強時
因採摘露沾裳短籬不許鄰雞入嘉味還同過客嘗後來勿斷
園中土留取清風千葉長

題貞潔卷

貞比高陵柏潔比陰壑冰緬彼考槃客相思勞寢興至潔不可

汚至貞不可變兩世同一心百年能幾見
拓有後秋葉冰有中夏寒貞潔苟弗渝
炎雪何能干

題孔水部廷瑞雙鵲圖

峩峨中庭石傍此寒歲花離、錯錦繡五色
明朝霞雙鵲何處來相對聲喧、似為主人
報水曹恩寵加水曹住近荆門牌千里
洪流歸彈壓疏排不數賈讓功決淪盡
遵神禹法玄圭早晚當告成天王近日
已知名崇階峻級懸相待豈用區、靈鳥聲

題白岩竹

竹枝裊、根卓、質堅不受苔、薜、剝是誰
向壁掃、縑、素、古、色、蒼

顏秋濯、彷彿猶自烟水區、萬里湘潭土
新斲、又疑身坐風雨窟、老、蛟、盤、挈、突、頭、角、醉、呼、虞、帝、歌、南、風、蒼、梧、雲、深、翠、華、邈

題章郡守瓊林醉歸圖

宮揚媚朝旭、溝水鳴春湍、別殿黃金瓦、橫橋白玉闌、借問此何地、無乃東長安、長安陌頭二三月、杏萼離、綴、緋、雪、伊、誰、種、此、千、萬、株、長、待、儒、生、與、攀、折

孝皇龍飛十五春、親策進士三百人、是時嘉州有章子、名姓燁、燁、驚、朝、紳、白、馬、青、袍、速、流、電、日、中、醉、下、瓊、林、宴、吁、嗟、此、日、畫、裏、看、猶、似、當、年、陌、頭、見、陌、頭、畫、裏、兩、模、糊、可、道、今、吾、非、故、吾、南、臺

罷起郎官草東郡聊分刺使符皎月寒冰清譽在雲霄隨處是
亨途

椿庭榮壽圖詩

白頭注書懶出門足跡不到東西村倏忽家移向千里遠遊却
謝君王恩錢唐夜舸衝潮發栢署啼鳥曉方歇升堂見子浚見
孫綵服如雲映秋月江魚竹笋稱觴暇時坐肩輿過城下蘇公
堤上聞採蓮岳王祠前看走馬問君北歸今幾春予欲乘槎西
問津渡河先訪封君宅携酒來攀庭際椿

題楊四山卷

蒼峰崔嵬翠巘巖阿祖當年親手疊有得必失毀必成天道
浚往天心明我開我堂酌我酒藹々嵐光映虛牖朝對圖書夕
賓友楊家子孫千世守

題劉道行祖母拾禾教子冊

朝拾田中禾蕪暮釜下薪止願兒力學不愁家業貧兒生有兒
先入官可隨萬里居長安帝與封章不肯受却待成名報吾母
江風吹船南入巴阿孫奉使兒還家拜墳呼母母不語淚濕秋
山空黍花

題周道士采苓卷

夫椒山中多老松白雲隱隱盤蒼龍山人荷鑿采苓去徃注仙人松下逢仙人本是山人作山人向來滿功課句麗句吳幾萬里杏花陰裏春風大君不見蒲江古井凝綠華乳嬰綆上聲咥咥長秋道士不入口放魚女兒升綵霞

題工部李侍郎給餉還朝卷

旄頭焰射揄塞紅穹廬夜徙狼山東邊頭十堡九堡空虎啣髑髏狐嘯風箭書入奏龍改色天兵嘽下西北旌燾卷空宇黑冬官老臣奉丹敕百萬芻糧紛崩劣挿羽鳴金搗河磧朔方血雲蛇火赤勃勃殘胡走無迹歸來謁帝甘井宮宇執籌邊書

一通當廷不數寡旗功嗚呼老臣開濟忠曉日沙堤散朝宴黃金廐馬輝相炫道傍觀者誰不羨韓公范老今重見

題李客部冊為其母受勅焚黃作

峩峨隴門碑蕭々墓田草春卿哭母處泪盡秋山道秋山雲黃日脚斜玄堂寂々扃土花祀筵俎豆雜五鼎玉文鸞絃明江霞月弦張宇登歲矢二十星霜一彈指欲問春卿哭母心潺湲日夜龍溪水水流不漫逐母去何時回金沙閣珠翠碧火揚青灰斷機壁空蛛網牽擣衣石冷啼鮎歌還家何物最堪傷白髮中
達坐明月

萱花圖送劉汝忠歸省

萱草花何裊々春風入堂背遊子在遠道白頭慈親相對看日暮還成被花恼花未落子登堂白頭一咲千憂忘

海樵吟

海樵老翁居海島自言不及山樵好山樵伐木歸作薪隆冬滿室回陽春海樵經得珊瑚樹灶底欲燃々不去日將空腹對家人敢向山樵論飽飲中興天子元會辰大開閭闔羅九賓勅使四方求寶貨海樵尚食山樵餓

牽夫謠

上水逆風牽百丈官舸真同上天上海篙前吃輿皂犂努力攬牽誰敢放人喜牽夫歌牽歌不知此中哀怨多何日黃流變黃土牽夫得免奔波苦

竹坡子辭為徐侍御作

坡之竹兮龍葱子攬轡兮在公子在公兮居靡遑塞子獨兮坡之陽陽坡兮延佇竹裊々兮含雨願秩質兮為簫和翔鳳兮儀鳴韻帝關兮峻深與子歸來兮坡陰守虛靜兮抱貞素聽容與兮逢暮

愛日樓為錢水部作

錫山之樓水曹所構下瞰伯川上臨斗宿層楫切霄飛拱麗畫
龍鱗差々碧瓦齊峻梯蜿蜒垂丹霓俯視窮四極仰觀凌太虛
雕楹列琪樹天窻秋靈書三光無冬春和氣通華胥不覩竒譎
迹誰明此地是仙居樓中之母健且康修眉如髮雙瞳方雲冠
我倒影煙袂飄空香真澄瑩含元穆坐樓中央蘭孫玉息獻華
稱觴擘班麟炮紫鳳進文束傾瑤漿淋漓颯沓羅列趨鏘舞拓
援歌陵岡一日願作千歲長千歲長萬歲久樓長新母長壽

知治辛酉夏五月省元杜廷陳氏臥病旅邸予往問焉至
則死矣逾四年其元廷獻會予京師言及泣數行下且謂

不可無詩以哭其弟也追憶往事為補此篇

切々重切切秋風桂枝折哀々渡哀々人歸長夜臺桐為棺兮
席為舍寒巷蕭條日光下孤兒五歲初學行向人啼父不成聲
訪君來哭君去鄉路迢迢隔瞑烟澠水萊山渺何處

輓秦國聲廼翁

天井峯頭暮烟紫少微星落山翁死山前新墓土纍々石門題
著封君字封君在時山水光雞群寒鶴何昂藏一身獨作鄉社
表見者呼為王彥方自從仙遊去不返江波寂々江花晚釣竿
三尺掛垂揚野迳無人竹門掩有生會有死全歸誠獨難名歸

隱逸傳銜稱大夫官佳兒擅時譽采采雲中寫恩華燭幽隧紫
誥雙龍盤封君九原心亦安嗚呼封君九原心亦安

節義歌為少叅大器作

囊金失行子號還子以金不受絲與毫良人殂舅姑老環堵麻
衣不識門前道于嗟乎墓中人雖死々不孤諸郎致身文且武
恩光下照幽泉土妻也貞姬夫義夫列傳有名光烈祖誰道今
人不如古

朱子臯輓詞

約食墩前起新廟鄉人共朱說郎孝朱郎能孝漫能仁眼看盜

賊皆良民直擬貞心化強暴豈料勢窮翻殺身君不見錢塘閩潮
汨羅水同是乾坤忠義魂春草碧色紅綠波魂招不來將柰何

錢國子水南輓歌

君不見李世勣姊病親煮粥粥火燎鬚々為禿又不見閔子騫
大雪被蘆裘一言悟父母渡留水南茂寸具二美白首窮經辟
雍裏凍霧空嗟嶺豹藏春雷不見江龍起孝思之樓江水傍四
時禴祀烝且嘗豈惟急難等原涉還誇遜產同王商白雞夢醒
丹旌濕精舍玄猿終夜泣憑將都士輓歌辭哀作它年聘君集

陳司寇輓詩

野白秋草黃，頽陽下枯嶺。誰歌蒿里曲，悽緒紛難整。蠹起新墳素，旗飄斷雲隴。下笳簫哀響，咽尚書不歸履。聲絕履聲絕，那可招山空。石麟死松栢，寒蕭蕭。

王封君輓詩

兒在客父在床，平生顏色不得一相見。雖有湯藥，何由將父在。殯兒在野生前，不受豸史封。空見龍光賁泉下，雪林山頭高築墳。花煙漠漠愁青春，請看阡畔行啼者，半是當年懷惠人。

邊華泉集卷之三

五言律詩

吳節婦

風雨屋蕭然，孤燈四十年。家聲越國後，心事紀姬前。行入先皇錄，名垂太史篇。溪清石不轉，寒影照娟娟。

送周判官

一官成晚歲，共惜子雲才。驅馬國門踞，北風聲正哀。山形橫塞起，邊色映空來。感慨登臨處，殘陽照古臺。

送張進士孔昭赴南刑部

春風楊子渡江上雪初消草色連三月山名記六朝白雲官舍
近紅日帝鄉遙欲寄西來信秦淮有蒹潮

送鄭徵之還濟南

畫錦人爭羨居官不離鄉地親王子貴衙對佛山長珂馬春情
遠稱觴午夢香相思有南鴈瑤草寄新芳

送康狀元乃叔上舍生還武功

武功山踞渺西去雪峽嶢里布儒生服郵車使者銜上堂脩典
冊登隴拜松杉記取龍頭事鄉人問阿咸

久客便醒卧逢君一舉杯后山元苦節同父舊多才雨映三更
燭春飄二月梅重來話相訪好記鳳凰臺

八十一

往往風雲下行歌太雅篇青春逢此地白髮感流年岸柳村村
合江花處處妍到官多暇日一訪謝公泉

和張內翰見寄韻

爾向家山去休歌蜀道難乘車真得意戲綵足承權劍閣留詩
草亭溪把釣竿玉堂回首處夢繞五雲端

馮呂梁惠詩率爾酬贈兼謝藥草之惠

高情馮水部相見示新篇鐘磬懸清廟瓊瓌落九天色流湖岸
荇香襲楚舉煙更謝金光草扶予衰病年

臨清舟中寄蘇三泉

水國逢君壽秋花蕩客船河流動顏色鄉土接風煙天地青尊
外光陰素髮前吾愁隨長叨祿漫多年

送曾世亨兵備赴蜀

九秋三峽道萬里一舟孤夜渡劍門月波光搖湛虜詩論青塚
恨恩返綠林逋歲晚東來使梅花肯寄無

夜中不寐登樓有懷

遠漏連疎柝山空夜寂寥地看鄉土隔書寄美人遙海氣含春
色江雲入斗杓灤源橋上柳應有拂蘭條

送黃北川赴京

黃子黃門客青春上國行風塵遙入望邊塞獨關情捧日雙龍
闕看雲五鳳城懷中有短疏知欲請長纓

夜訪朱應辰

啓閣懸燈坐霜天夜轉幽居然剡溪興何異竹林遊水落江鴻
去城孤海月流重逢好相憶紅寥白門秋

寄弔松江周翁

不見南溪老蒼茫二十秋浦雲空北望江水自東流已化遼陽
鶴猶疑海畔鷗存亡一掬淚何日灑林丘

解印後病中書懷二首留別南都諸同遊
勅放青山去恩同碧海深靜居諧始願孤往契冥心已破槐南
夢何須澤畔吟我泉多水竹蒼翠想森森

二

一別穉川踞兩年今始歸久知麋鹿侶遙待薜蘿衣洞古龍還
在林深鳥不飛入山城府隔從此跡應稀

過呂梁

解纜洪流樹侵星過呂梁風雲猶帝里山水即吾鄉硯拂秋嵐
濕衣沾曉露涼長年欣暑退伊軋棹歌長

澤國新秋爽玄雲起北溟衣冠逢水部風雨謝山靈雅意堪留
滯清詞足典刑夕舟兼曉榻談坐憶蒲汀

送分王司因過白塔寺飲

九日登高興三秋悵別情重携一尊酒此地共君傾塔湧浮雲
暗山啣落日明還將紅樹色遙送海東行

登南明山

石磴抱雲迴高高積翠開蒼藤昏古殿碧樹隱仙臺鍾鼓三天

下風煙萬壑來不知千載後誰憶此卮杯

二

地僻無人賞靈山迥獨看石梁橫險絕巖洞倚高寒靜已忘塵
世狂猶繫冗官長歌送西日野色上虛闌

南都送道士

自君辭白下靈悟入玄冥始信虛無外元來別有經軋坤寄水
火離坎走雷霆兀兀眼前事真如江上萍

春雪

佐爾陽春日淒淒晝雪寒情知飛絮假還當落梅看向日偏繁

戶隨風故繞闌同雲幕千里吟坐憶長安

分賦春雨得時字

為愛西堂雨黃昏坐不辭礎痕移榻處池漲捲簾時瑞紀農官
頌題分水部詩客車何日返真長故山芝

九日

白日寒城暮清秋盡角哀地偏妨采菊鄉遠怕登臺鴻鴈天邊
去風雲塞上來故交零落盡卮酒向誰開

次陳靜齋九日二首

山水留佳賞登臨夙有期却憐重九日空讀汴臺詩臥雨情無

那停雲思欲癡夜深還秉燭閒對菊花枝
九日逢連雨賓朋屢費邀賓孤黃菊盞虛想綠雲簫蟋蟀聲逾
近梧桐葉盡飄喜聞歸不遠旌節候來朝

九日登吹臺次毛侍御韻

對酒重陽雨登樓萬里心異花開晚節群木秀寒林鼓角連天
暮風雲接塞陰王師捷何日傾耳北來音

春暮

骨肉俱零落還家不似歸自傷真塊處誰遣更花飛雨握春苗
病風摧旅鴈稀飄飄木蘭楫吾欲泛東沂

顧病清源中秋罹雨宵分言霽短音寓懷

隔歲鄉關月中秋想一看真愁白髮顛翻隱碧雲端桂影沉煙
濕金波映浦寒雞鳴興不淺吟酌細凭闌

正月七日飲教水部分司歸即事

結榜依江岼傳觴感歲華偶同人日酒翻滯使星槎水凍仍餘
雪林寒且未花醉歸燒短燭高枕聽昏鴉

寶應元夕飲朱升之舍

望望平安驛春行路不遙故人還此地芳序且元宵水近潮通
閣燈寒月過橋計程拚取醉佳賞更須招

供事 長陵

俎豆薦春芳東陵晝漏長
偃松盤古榭靈草秀虛梁
日月皇輿遠江河聖曆昌
因山昭儉德千載頌文皇

望陵二首

徙倚東峰下西陵望鬱然
玄宮深閼日玉座迥浮烟
風雨清明候乾坤正德年
攀龍無處所空有淚潺湲

憶在先朝日曾沾侍從恩
鸞輿歸寂寞鳳質儼生存
夕日昏阡樹春風長澗繁
祠官如可乞長奉泰陵園

過 壽陵故址

景帝臨取時自建彝毀之

玉體今何所遺墟夕靄凝
寶衣銷野燐碧瓦蔓溝藤
成戾崩年謚恭仁葬後稱
千秋同一毀不獨漢唐陵

西陵訪王給事汝溫不遇

時汝溫督工泰陵

狂夫多野性春到每思家
却訪山中客還逢水際花
薄雲陰古殿鳴鳥聚連沙
迤邐回谿晚西陵月正斜

遊玄福宮

福地盤青甸香臺倚紺雲
材分龍巖寶功就羽林軍
洞客修丹籙山靈護敕文
願資玄教力千載翊明君

泰陵供事述感五章

陵墓三年道重来七月期山河不改色霜露只增悲世想欽明德人傳顧命辭九齡如帝與端可致雍熙

恭己班虞舜求賢越武丁心猶在邊徼夢已隔泉扃永作千秋別虛傳七日醒夕廬齋沐所彷彿見遺形

象設徒虛備龍遊竟不還勳華留率土精爽寄空山石錮金泉黝雲棲碧殿閒寢園如種竹應有淚成班

皇寢居庸近山深地轉饒雄關三鎮鎖幽府百靈朝堡堡烽全息屯兵甲半銷帝心遙可識終古絕天驕

午夜祠鍾發千官集廣墟遂看除禫服那復見宸裾長隧通玄

壤明樓瞰紫墟松阡回望裏風雨泣漣如

下陵二首

露行踰十里夜黑四巘陰不辨雲霞色惟聞鍾磬音塹鴉翻列

火山鬼嘯空林欲下西陵踏前溝水正深

窈窕山途僻喧喧徒御歸馬逢危石住燈入古林稀樹密全妨蓋雲寒半濕衣紅門知不遠秋角聽依微

望孝宗陵

泰陵今在目突起茂阡西宮殿青霄迥松杉白日淒坤墟符帝宅山壽與天齊黍稷明年祀重来路不迷

郊壇夜步

晚步凌高榭春空月正明星辰臨漢時樓觀俯秦京靜夜松飈響豐年穀日晴同心隔城市相望轉盈盈

侯駕

遙聞葆吹聲仙仗下通明地轉蒼龍道天臨白帝京瑞光同遠近雲物半陰晴隱々行宮啓重闕虎豹盈

承闈

詔迎

聖母大妃還宮

兆啓封羗日圖開繼統春漢南王化遠天下母儀新侍寢隨宮眷留行聚國人嗣皇敦孝理瞻望黼衣頻濟水朝京甸燕闕鎮海流九重迎聖母千里會諸侯日月開黃道河山列素秋禮文同扈蹕元不為宸遊

上陵

臥病長夏晚出門秋草生聊因上陵日一寄看山情野水侵平道寒雲覆古城聖君方用武群盜敢縱橫

五月七日陪李劉二侍御遊宴尹亭

不到北湖久重來蓮葉青水香還落照山色自孤亭竹隱尚書

榻憲懸柱史星回舟忽已晚波上月冥冥

沙河

放馬野田草踞迴登古原雞鳴桑下屋牛臥雨中村薄日浮山
影長橋下水痕煌煌中使出束帛向陵園

九月望日同太陽有臺二使君泛湖出郭二首

野眺隣幽曠移舟出水閣上柳雙蓋迥漁父一簑閒墜葉紛飄
塵迴汀抱曲山芳尊對搖蕩不醉可須還
侯火射波光中流見女牆觀樓增突兀雲月滌微茫岼接青山
近舟牽絳芷香興酣忘夜久歌吹遶林塘

村舍

村舍孤烟起山中朝雨寒丁夫荷鋤去稚子出門看早稼登場
圃秋瓜蔓井闌居然羨閒逸趨府欲辭官

泛湖

此日秋風起移舟向浦烟客心隨地遠人語隔花間古寺疎林
外孤亭落照前十年塵土夢回首一茫然

山行

兩山開一迳杳窅入雲煙仄磴樵人下危峰野衲禪斷鴻愁返
照歸馬識斜川井邑干戈後凋零異昔年

御帳坪次王伯安韻

白日天門近青山御帳空亭虛從眺覽樹古自登封過鳥層雲
上鳴泉萬壑中翠華春不返惆悵昔人蹤

題清樂亭

老木隱江亭幽居對錦城榻懸西嶺雪墻度浣溪鶯地僻人稀
到心閒夢亦清窮通身外事何必問君平

重陽後三日登雨花臺

一片金陵月荒臺對酒看水雲霏冉江日隱團鴈早那堪
聽花遲未可食凭軒望鄉國西北近長安

與平厓林秀史泛湖北抵華不注山夜從陸歸二首

浮舟出近郭落日半溪陰水濶蕪葭淨山寒煙霧深壺觴不盡
興絲竹有餘音獨恨黃花少猶煩隔浦尋

黃昏過別業却見舊山僧客駕聊云息鄉愁轉更增水光浮夜
月林影散秋燈隔苑聞寒犬高軒醉懶乘

後三日登龍洞山二首

海嶠煙霞滿積陰綠苔穿嶺滑黃葉綴巖深宛鹿麋

徑冷泉澗音高人或住此精舍杳難尋

寺古猶存佛山深少見僧遲徊意不極去住感偏增樹隱青林

店龕明白石燈峭峰吾欲上未有鶴堪乘

到今宋駙馬園亭訪東石談子遇雨

却訪故人處遙來公主園濕雲蒸錦樹鳴雨過華軒檻近浮鷗
接連深乳雀諠將求卜居意相對已忘言

贈周文都

君乘別駕車南征千里餘予為燕市客歲杪意何如日隱川原
暮江涵雲水虛新春見迴鴈知有秣陵書

寄華山人

山人歸薜蘿迢遞兩年過道遠情無那秋來興若何隰霜收早

稍江日曝寒篔不見雲中鵠空傳招隱歌

贈何子元二首

飲馬長城窟秋風隴水鳴旌旗連朔氣笳吹咽邊聲鹿塞胡霜
白龍沙漢月明共嗟班定遠身是一書生

萬里窮邊使三秋出井陘金鞍裝寶絡班管代青萍吏識終軍
貌人瞻博望星歸來市駿馬持節報明廷

行子

行子到京舍故人消息傳釣魚吹臺下築室黃河邊挿架餘千
帙傾囊有一錢古來賢達者往往在林泉

彦卿垂示省署述懷之作次韻奉答

寂寂荒園午庭虛不下簾墨池經兩潤厨火隔宵燼壁溜侵湘
簾總風動月^越繚灌花親汲水童子睡初甜
官閒仍地僻賓從少經過睡起看山立詩成對竹哦小塘雲影
乱深樹鳥聲多坐數秋期近雙星欲渡河

過雙泉寺馬文明別業懷寄

却過雙泉寺因懷馬舍人托交空有日為別動經旬古澤蓼花
乱高原禾黍新秋風吹獨馬望爾一傷神

山中懷白巖二首

珂馬長安道趁陪幾見秋那知遷轉地翻動別離愁光祿詩名
遠容臺禮教優空山中夕夢長繞鳳凰樓
昔奉山陵使曾同虞殞吟鰲翻滄海變龍去禹湖深紫極瞻雲
地清霄望月心蒼松栢裏懷徃益沾襟

懷昌穀大理二首

孺子南州彦詞華早擅場共憐廷尉府祗益簿書忙寶鏡愁鸚
鵝鹽車困驢驢何時一艇去與爾泛滄浪
齋房隱薜蘿野外少人過向月漫誰語看山空自歌城孤戍火
乱地迥北風多情悵離居夕相思奈爾何

白巖將赴北山供祀奉呈
賦客貪岩壑登臨思渺然出城看落日驅馬入秋烟
辭綴陵門
祭嶺香寢廟邊別來曾見說重補華篇山

張侍御過訪不值謝答

有客騎驄馬徘徊戀友生虛煩過茅屋實已隔山城
野僻蓬蒿滿園荒蟋蟀鳴空村中夕夢相憶倍含情

雪後尹亭小集有懷張侍御仲齊

樽酒故相約燕遊翻不同亭深寒雪在橋斷夕烟通
白日行歌裏青山別恨中夜闌車馬寂愁聽竹林風

尹亭夜集

憶共尚書飲蘭舟漾渚風芙蓉開月下簫管入雲中
鶴唳煙沙遠螢流水閣通重來值搖落無復往時同

晃晃冰上月稜嶒沙際風寒星動木杪遠火露煙中城郭千峰
對園林一水通興移還野酌留賞夜深同

將赴靈巖午憇黃山店示同遊諸子

感時愁不極出野興仍高墟有當紅葉園林過碧桃水行沙蹠
軟雲卧石床牢更喜山翁朴忘形對爾曹

出黃山村遇霍子聞郡守章柳菴將至靈巖喜而有作

路轉黃山店人逢霍子才傳呼寺僧出五馬款車來野水村
響岩芳樹、開浪遊雙屐齒沾濕破蒼苔

由張夏村赴新庄望同遊諸子

落日過張夏黃昏投新庄崩牛將犢下沙鶴避人翔石逐盤青
靄柴門閉絳楊同遊忽不見孤眠轉蒼茫

新庄山館即事次張侍御仲齊韻

野館千峰對登臨日載陽山川氣紆鬱天地色淒涼未卜三秋
稼先傳二月蝗古村兵燹後搖落見空墻

出新村望靈巖寺

福地靈山表來遊春已深情知百里道虛抱十年心野樹猶含
色鳴禽欲變音化宮瞻望處烟霧繞青岑

遲賢亭有懷白泉王子詔蓋與余同遊泰山而余先王子

歸也

樹杪遊雲白風前落絮輕行蝸上壁篆闔雀墮簷楹客駕聊言
息仙踪不可明懷人望東麓灑灑曙煙橫

春日臥病寄劉子希尹王子孟宣

我濟富山水人稱名士鄉兩生俱俊傑吾道豈荒涼紫禁烟花
地青雲翰墨場應須得高步書札報滄浪

老病東山客，青春意颯然。祇因愁不去，翻與醉相牽。
草檄懷公幹，登樓憶仲宣。幾時蓮葉裏，重泛北湖船。

段村侯成之僉憲

客子淚迎客，黃昏行古林。短牆登吠犬，列火動栖禽。
對雪三年夢，維舟半夜心。他時重相見，佳話比山陰。

東何內使粹夫

憶爾曾金馬，予官亦瑣闌。驚風一以振，落羽遂分飛。
東郡身仍屈，西河信每稀。傳經與抗疏，心事兩相違。

移榻

卧榻便幽賞，虛廊接暝移。樹雲低繞棟，塔雨下通池。
病間琴相得心勞，硯獨知商歌激流。楚惆悵北山期。

贈蕭醫士

覽鏡嘆華髮，出門鄉路遙。客裝侵暮雨，歸楫渡春潮。
草綠河陰細，鶯啼苑外嬌。荷鋤行采藥，還似赤城樵。

贈方山鄭子二首

江東有狂士，結屋本深山。為客風塵外，馳聲梁楚間。
寸聆捫虱語，忽作釣鰲還。予亦悠々者，相逢愧爾閒。

好酒耻儒素，談兵蕩虜塵。深憐宋中客，宛似晉時人。
到處不諧

俗一生長任真因君感交態多少白頭新

贈伍文定太守移吉安

輦洛移官日荆襄過里年郡符分舊虎江樹聽新蟬河內人虛
借闕東政久傳行經五柳宅一為吊先賢

元旦

上日冥冥雨中宵且未休薄遊雙劍在羈宦一身留養鶴憐初
志屠龍悔壯謀著書聊假日元不坐窮愁

寄無錫管尹

吾愛管明府理民如昔賢靜看申浦月清飲慧山泉惠化表三

異和聲流五絃春風阻携手相憶思悠然

荅松月伍中丞見寄

開閣俯江城懷人獨繫情碧雲空舊色黃鳥又新聲劍在終相
合舟閒且自橫鳳凰臺上月孤負一春晴

舟泊清江有懷交遊諸公二首

未暖金陵席還趨玉陛行漢儀欣再覩虞秩愧惟清雨雪江南
曲闕山歲暮程臨分約歸候春服早須成

日射江流紫烟沙凍欲開臆從梅蕊破春傍雪濤回北斗瞻星
入東風應律催鷓鴣隔朝省不共上元杯

東朱柱史子宜

有美中臺彥聞名自國都豈知多難日識面在江湖地入王畿
遠星分客棹孤霜威倘可借一為保前途

齋居同月岩夜坐

寂寂槐廳晚端居感歲時雪消山色在寒退井痕知白戰懷蘇
老清齋伴予期坐來情轉逸華月照方池

賀承菴侍史省親還績溪

上疏天門北驅車海嶠東去留真自得心迹許誰同詩入杜陵
室官追桓典風壽筵家慶好花對白頭翁

汶上寄王工部舜夫二首

真擬湖邊會言汶上過歲時鳴鳥變岐路轉蓬多樹色連東
嶽川流匯北河相思阻歡靚瞻望恨如何

幸不逢顏色真愁吐肺肝祗因哭子瘦豈是別家難兩麥虛看
秀風梅實抱酸病懷兼逆旅誰與一盤桓

寄陳石峰中丞

一別梁園兩五番秋草踈君為烏府客我向白門居髮短風塵
裡心長老病餘江流日東下何處覓雙魚

出郭將訪希準郡伯懼而返却寄

駕言江口出却至水西還遠道空回首重門欲上闌斷雲低白
鴈斜日近青山欲採皇華贈仙舟不可攀

和荅胡可泉郡伯

籍、胡安慶新聲滿舊都詎知金馬客翻領玉麟符退食還經
史登樓即畫圖昔賢憂樂地元只在江湖

溪翁

未覩溪翁面中宵夢已先闌山非逆旅舟楫是登仙鴈語驚霜
別鶯啼候谷還烟波夕渺、留恨滿江田

贈李都閩

好武將軍獨能文更愛君異勛江左策名闕隴西聞散帙臨秋
水投壺過夕曛長懷醉別處簫吹過溪雲

奉荅王載卿方伯

菊蕊南山履荷華北渚船勝逢無節序佳句有雲烟列郡謳歌
裡滄溟覽眺前故鄉誰地主回首憶當年

寫懷

欲逃中夏暑暫止、江船夜臥對松月曉行披水烟佳期渺天
末良覲阻尊前相問各華髮逢悲青鏡年

再贈載卿

賓堂瞰水滸沙柳繫行船裏、絳蘿月冥、芳浦烟鄉闕百里
外世事一尊前記取相逢地清河旅食年

戲贈張守公薦

錦水留工部任城卧謫仙古人多逆旅地主幾稱賢歲月青楓
外鄉闕白鴈前知章與嚴武君不愧當年

聞青石翟子駐節河口喜而有贈二首

長安相別處陌上草淒淒碧水春風外青山晚月西君車停海
嶠吾舸繫沙堤豈料漳河飲同聞絡繹啼
外補人俱惜崇遷且汴臺不因盤錯試誰辨鏌鋣才赤日開山

霧黃河殷地雷凌秋泛槎去知向斗邊回

東王美卿萬戶

見說君家圃新開夜合花暝雲含洞石炎雨淨溪沙想像王郎
劍遲徊漢使槎一樽虛舊約惆悵坐昏鴉

旅寓清源有懷故鄉親友

雨過雙松午雲陰覆閣長柳蝸迎日嚙芹燕落泥香碧水通官
舍青山接故鄉懷人不可見歸思轉蒼茫

贈宋醫

施藥漳河口高齡鬢未華地疑京北市人即宋清家石壁垂金

草丹爐起玉花願傳玄牝訣交臂入青霞

雨中臥病谷來許以詩來問答之

爾本游揚侶吾慙程氏門遙憐雪盈尺何似雨翻盆久病拋書
卷長齋閉酒尊草堂霞色晚好過一相論

重陽冷二守過訪留酌

九日逢知己開尊傍水涯壯懷餘白首幽賞有黃卷日隱郊臺
暮雲連浦樹斜未須論去住乘興即為家

徐園夜坐有懷

避暑將軍府青竹滿園坐看臺上月吟憶水西軒螢火流煙

度蚊雷接暮喧美人漳浦卧何日奉清言

贈環峰王總戎西征

開府馳聲舊轅門授鉞頻日華承蓋轉江色映袍新去作鄖山
雨來經蜀道春軍中人盡說籌策妙如神

荅羅兗州

我抱文園渴君淹曲阜城中年俱抱屈異地各懸情永夜孤蟾
色新秋旅鴈聲况聞吳楚變漢帝且南征

寄胡文甫

不見胡文甫七回明月圓家林且如此宦海益堪憐碧柳秦臺

馬紅蕖濟水舡往來餘百里同醉是何年

午日卧病有懷張王二子

棲遲仍舊國愁病且端陽白髮能相妬清尊漫自香碧窓懸艾
好溪迥入舟妨苦憶青驄客盈盈水一方

贈鄭少尹

我正雪中臥君從天上還節高元自苦才大可能閒浙瀝聽疎
竹蒼茫對遠山夜深拚一醉休當剡溪灣

贈劉希容

籍籍錙京北還家尚黑頭無心戀簪組有子紹箕裘月夜樓中

坐花時郭外遊不堪相訪地醒眼話離愁

懷王生

世棄君平久狂踈老更添絕人吾豈好嗜酒子應嫌荷葉翠出

水榴花紅入簾晚當西牖坐山日映書籤

夜訪德宣不值

坡陀古堤上往來傷獨遊相違豈在遠一見已無由水宿厭棲
泊暮行多慄憂瓊枝不可即腸斷衛川流

寄徐進甫

城東徐孺子不見已三年鴻鴈幾時至音書誰與傳釣魚寒澗

曲注易古林邊遙想府中榻常因高士懸

過汴呈獻吉

兩年京郭居空望故人書五月梁園道來乘長史車川流赴海
急隰日漾沙虛欲訪漁樵徑蓬蒿不可除

夜泊漢陽却望武昌有懷矩菴

對岍武昌郭清宵回望頻離心繫舟遠旅夢涉江新積水明疑
晝浮烟藹似春樓空黃鶴杳延佇獨勞神

白泉王子居山相近

爾能耽野趣吾亦愛村居白屋情偏好蒼山畫不如桑麻通雪

徑雞犬接煙墟歲晚青藜在相過且校書

同王白泉步過北村訪孫胡二子

少日同門客山居晚共依孤村一相訪深樹鳥聲稀面水心逾

靜班荆願不違蒼々平野際還望瞑烟歸

谷子訪予別業

谷生憐我獨相訪到山家碧水孤村抱垂楊一迳斜野人供白
湮稚子飯胡麻坐愛殘陽裡連槐吐細花

懷三屏子

北郭雨冥冥東山雲霧青三屏不我對九柳自吾亭短髮嗟同

病長歌笑獨醒臨溪俯身世百載一浮萍

送都玄敬二首

才高憐晚達十載尚為郎書買黃金盡愁生白髮長夏曹分武
庫秋殿別文昌木晚霜臯冷何人共采芳
驅馬別君處秋陰當暮生林柯無靜葉江鴈有歸聲綠水闔門
道青山建業城未能同理楫延佇獨含情

送陸子引

世業機雲後聲光博望前使星連禹服卿月渺吳天岍迥山回
枕泥香燕拂船壯遊應不負隨處有詩篇

送唐仁夫

象闕指龍洲天南海北頭島夷隨使節山鬼避行舟墓采積頻
奠鄉看畫錦遊歸期定何日瑤草思悠悠

送施克和

樓敞壁燈懸歸心夜不眠袖中懷楚玉江口泛吳船興寄風人
外名收國士前秋來消息好知向鹿鳴傳

送劉氏叔姪赴舉

雙馬飲溪流溪邊雨乍收方趨棘闈戰不比竹林遊禮學傳三
世家聲動九州太行山上月幾日桂花秋

送徐德章兼寄杭世卿吏部

迢遞延陵路新乘使者車國風收外史廟號布中書海色宵征
裡薇苓午夢餘相逢抗吏部歸揖問何如

送范掾尉仁和

入仕得親懽舟行且問安青山越州路黃綬漢時官暑服裁江
練晨羞薦渚闌六橋三塔景公暇幾回看

送劉博之叅政南陽二首

薊北才能會聲華早見收道高傳史部詩好入隨州別宴當梅
雨官呈過麥秋江湖憂正切休上望京樓

津橋南渡頭落日片帆收冠蓋新方嶽河山古豫州樹深燕市
晚雲冷爵臺秋兩地分千里懷各倚樓人

送黃端州

春水泛桃花飄々海上槎官崇先領郡親老一還家石抱溪雲
紫煙含嶺樹斜夜深登望處北斗是京華

送王秉衡歸省

津樹隱春艫林花集暮江天涯歸客遠堂上老親雙捧日心常
切看雲夢未降閒來書諫草誰與山窓坐

送曹元孝監河之徐州二首

水部移舟楫臨津問所須
離心漢宮柳幽夢楚埃蕪
鴈迥雲重
覆花寒地一隅
吟詩坐東閣誰與鑿冰壺
石閣延春望洪舳送酒須
斷蛇荒澤徙戲馬舊臺蕪
碧樹通江
微蒼烟接海隅
三山不可見休更問蓬壺

再寄其子毅之

相尋空繾綣相別太斯須
一去青門道幾回
生綠蕪文章傳海
內消息阻天隅
歲晚登高憶勞歌
缺唾壺

藏六軒夜別東卿

到寺鍾初寂高城夕漏遲
閣雲昏冉冉連雨凍絲絲
留客燈前

席懷人海上詩樹鴉啼不斷
歲杪怨相離

贈周予唐使遼左

翩、鳴玉珂千里渡遼河
爾本詩書客寧聞鏡吹歌
立朝同汲
黯出使叱蕭何
莫厭貂裘敝霜風塞上多

簡別華文光同年

朔野北風起沙蓬飛不休
端居念行客明發動歸舟
古堞鳴禽
暮虛堂落木秋
愁來不相見離夢轉悠、

送華文遠

早蟬鳴樹頭歸棹渡江秋
孝子祠重建徵君傳已脩
淚痕雙芋

袖身世一丐裘不學龍門客逢人說遠遊

送董汝淳太守之楚雄二首

詩人重出守萬里一朱轡苦節留三郡英聲振五言山深夜即
道花亂武陵源月下勞相憶清秋幾處猿
井鬼占星地溘雲問路時嶺暄秋瘴濕江遠暮帆遲竹擊迎津
吏擅裘拜島夷課耕還吊古應到孔明祠

別顧華玉同年四首

問訊金陵客南歸近有期馬行沾雨慢蟬響入秋遲水稻供慈
膳江鮪製壽帷間居賦成後曾見幾人為

落日長干渡西風短棹過故人歸後少秋草望中多謝墅荒碑
碣吳宮闕綺羅趨庭休澣外臨眺意如何

官署依鄉土幽求滿素心窻臨逸少帖牆掛闕生琴種菜開春
徑看雲坐晚林避名、轉出休愛碧山深
達人氣垢遠流品自應殊駁擬分天廡寫巢托省梧葛洪勺漏
尹阮籍步兵厨未識圖南志相逢說著書

送秦用中邑博得鹽字

殘溜滴崇簷離杯雨夜添儒官歸鄭老詩客去高蟾調發囊琴
古光涵匣劍銛昔賢身未達多少在魚鹽

尚令尹之興寧

萬里惠州去旅情應獨傷暮雲牛嶺暗秋草鴈池荒古跡懷蘇
老清吟賀字緇遙憐蠻聚落從此識甘棠

贈別三首

相逢不忍別相送思悠悠風雨一宵話關山千里愁暮潮通極
浦寒燕逐行舟短髮年々白重看是幾秋
早葉乍辭林晚蟾初罷吟入秋鄉園夢垂老故人心道在寧須
祿官清尚有琴城隅分手處惆悵水雲深
獨持文字印遙泛木蘭舟古驛尋京口寒城過石頭誦聲分館

夜吟思捲簾秋欲問前朝迹青山是蔣州

送孫志同經略居庸二首

寶劍青驄馬秋高出塞行田公新受律武子舊傳兵鼓角邊雲

慘旌旗海日明穹廬莫南徙中國有長城

馬出燕關道人如定遠侯眼空胡虜氣心繫廟堂憂絕塞蒼烟
暮荒山白草秋軍都城下過懷古一登樓

送朱文表

關河積雨晴千里一舟行庾廩司農計山川故國情古碑尋野
子芳草識聊城想見登臨處遙心覽八瀛

送楊生

相見十年外相尋千里餘
青矜子老大白髮我何如
涕泪丘園草風塵故國書
別情那可憶雲月晚窓虛

送王載卿

萬里雲霄使三秋澤國船
冰霜消嶺瘴旌蓋麗江烟
國賦徵求裏民風奏記前
獨憐詩社冷一別又經年

送李僉憲維之北上

桓興乘驄日相如卧病春傷心
一杯酒回首十年人雪暗關山
色風飄驛路塵郭西慵出餞愁見
柳條新

送王君寵主潼津驛

潼津佳勝地驛舍近潼關
立馬看河水開自對華山
客懷登覽際官守送迎間
倘見三秦友傳予鬢已斑

送劉文振宰驛華山兼寄汝公太守

我抱遊秦志君今先我行
一杯同出廓千里獨含情
雨入新豐晚雲移少華
晴寄言桑郡守天子近知名

邊華泉集卷之四
五言律詩

送李司務思善二首

可恠皇華使相逢九日過地偏秋鴈少天迥暮雲多北渚青簾
舫南山白玉珂未能同一醉離別思如何
蘇門形勝地往歲憶經過書院青山近仙潭空鯉多月中攀古
樹雪裏並遊珂六載重携手青尊索爾何

送殷近夫謝病歸壽張二首

論交方恨晚為別更匆匆風雨深期阻山川幽恨同杏田溜水

北草閣汶陽東鄉路元相近清宵有夢通
竝居城下陌經歲注來踈薄宦惟多病窮愁有著書春山懷紫
巖夕浦悵紅蕖去々仙踪渺何人伴索居

送徐德章乃翁

春看燕市花秋返晉陵槎水樹侵沙濶江樹隱驛斜夢依南國
近書寄北關賒坐惜薇郎苦遙心海附霞

送于時宜

行子對新月臨堂酣且歌客衣寒未減鄉夢日應多魯甸封春
草淮川渺夕波芳音托回鴈迢遞柰情何

留別王生

天際陰風起浮雲似馬行飛揚亦何意離別祗關情古岼垂楊
合長河暮色清何時盡舸背樽酒說平生

送王演之二首

送遠臨河漢蒼々夕景微雲山望不極書札到應稀磧暗風沙
起春長旅鴈歸秦關百二阻何處換征衣
驅車度宛洛歸路及春深杳官懷家夢悠々去國心青山臨古
渡白日下豐林憔悴逢漁父應為澤畔吟

送矩菴中丞

荆楚連年旱今冬雨雪頻膏融厚土徹綠迸早禾新烽火千山
息謳歌萬室春中丞調燮手爭道捷如神

別伯玉

君行不見相臥病對春風世事浮沉外交親感慨中古臺燕郭
暮流水晉祠空他日歌招隱青山有桂叢

送友

十里黃岡道萋萋露草繁青驪將客去子白日過鄉園水國春先
到雲程鳳獨騫行看魯儒化流澤被元元

贈別甯子

風度與桓典勲勞更伏波明珠騰謗巧驄馬避人多白日能長
道清秋凌大河非關燕趙別相送一悲歌

送劉希尹入高邑省親

朝夕夢親顏驅車西出關青雲深魏闕白日照恒山麥秀城池
古人屋井邑閒秋風扇枕暇碧水遲君還

送伯川子歸吳二首

東門嘶馬去幽志幾人同問寢歸吳苑含香別漢宮關山雙寶
缺江海一秋蓬欲覓南州信時看西北風

舊國江村外清川繞舍流空聞賦招隱不得泛同舟雨暗膠山

寺花明愛日樓遙憐相憶處落葉薊門秋

送陶良伯使魯府

天馬玉花驄騎來天厩中言經汝陽道却過魯王宮岱嶽浮雲外蓬萊碧海東飄飄鸞鶴侶僊駕與誰同

送楊純夫

天府通新籍毘陵返故居三春辭北闕幾日過南徐岸柳陰陰接汀花冉々踈江流日東下何處覓雙魚

送趙體仁侍御改官

問子今何適時危路且艱豺狼潛未及驄馬去難攀暝野雲藏

日秋林水接灣病夫門不出心度萬重山

七夕夜雨送父回家感而有作

感懷逢七夕况是別翁時天上夫妻會人間父子離亭疑青鳥

下心逐白雲馳幾陣芭蕉雨蕭然鬢欲絲

送張仲齊侍御還京二首

上國埋倫浚東山攬轡初世方驚豸角吾已識龍顏古栢凌蒼藻清冰照玉壺千秋桓典駕驅逐有人無

繡斧明霜日川原指顧中才真堪作兩名不愧觀風狡兔移山窟玄狐隱棘叢城隅一片石他日比羊公

送張廣漢中丞觀軍留都二首

聞說狼山下江波帶血流中原初息戰諸將各封侯
草綠西興渡雲生北固樓經過弔陳迹春日暫停舟
二月金陵道中丞擁節還日光搖組甲春色映江關
國壯軍容整時平武略閒坐看龍虎氣長統鳳凰山

送陳國充內弟赴京師卒業

千里携書劍觀光入上京外親無我厚宅相有君成
細雨官河暗垂楊客路平承家仲氏在休戀倚門情

送韓石泉赴德州允運

細雨空城暮游雲散薄陰落花春晚色芳草病餘心
夢接官曹近秋生國計深林中與水次誰伴獨行吟

留別柴子

相憶恨長道相逢驚白頭又為千里別還作幾年愁
故舊天涯少歟名世上浮不堪風雨夜虛館對新秋

留別張西盤大叅二首

苦戀三秋別還為十日留江湖宋玉感風雨杜陵愁墜葉鳴沙
岸寒雲抱驛樓河梁阻携手誰與賦同舟

滿酌豈辭醉未行先憶君山城稀見菊闌樹不開雲地接河源

渺天連塞日曛那堪北來鴈偏向別時聞

贈張生下第還金齒三章

逆旅嗟同病相逢罷舉杯別期驚歲月壯志感風雷
踞險三湘隔心遙一鴈催可憐蘇季子還着散裘回

北風吹獨騎萬里向西南沅水三秋雨偏橋十月嵐
薜碑懷蜀相花筆夢江淹好把山中屋重題捫蠡庵

聞道棲逢地苔香澗戶幽嶺嶺相旦暮山月自春秋
詩畫稱三絕圖書富九流祇應嵇阮輩與爾得同游

送王子兵備江西二首

舊隱辭函谷新章出漢關碧山留豈得芳草怨相違
簡拔皇心

注升沉士論歸傳聞拜息日猶着賞功衣

蓋拂匡廬過帆飛蠡澤深三秋持斧日萬里渡江心
席豹潛移密牛羊廣出林祇應臺栢下端坐聽鳴禽

送翟給事廷欽冊封周世子還朝兼赴昌邑省親三首

冊命臨中土恩華接上台雪明朱閣麗風引翠簾開
漢使鳴環入王孫露冕來星槎曙燭欣傍早春廻

登高逢歲晚把酒悵多遠塔日霜逾靜蠟花雪且肥
家泛東海過天向北辰歸可道親心悅宮袍是舞衣

諫客劉栖楚詞人陸務觀舌存應不慮盟在可須寒賦頌名天
下封章草夜闌稿成須寄我歸向魯門看

送楊希顏省墓還聞喜兼東秦長史

劍裝喧鼓吹春日過鄉閭夢繞松楸遠心傷雨露餘里門妨躍
馬宮錦煥飛魚若見秦淮海應傳寄別書

送楊文紳司訓玉田

東郭漢陽路南風幾日程客羶春草色僧寺晚鐘聲山認盤龍
狀州傳種玉名閨西舊衣鉢留取付諸生

送王景揚長史還

周府

駟馬薰風裏中州路不賒雨暎梁苑竹春老汴宮花親榻分羹
美玉筵設醴嘉五雲迴首地不似賈長沙

送楊伯玉子南歸

孤舟風雨涼江客下江鄉歲月吟邊晚烟霞夢裡長釣溪開蕪
石書架拂芸香霜落南垓冷何人共采芳

送周司業祭掃還臨海二首

客夢驚霜露鄉程入渺冥地連霞嶠赤天接海門青澗藻克新
鼎碑苔蝕舊銘秋墟滿狐兔何處築思亭

赤闌橋上踞千載一青衫家說編脩里人驚樂正街聽泉過萬

竹看月步雙岩寂寞成均地春風早掛帆

送匡敬夫按貴州

歲晚神京別何時到鬼方雪迷山驛冷雲接海關長不住新驄
馬封題舊皂囊遙懷征戰地幾處有耕桑

送趙叔鳴監稅德州二首

蕭蕭征馬嘶送客過前溪故里別來久家書空後題青山禹津
道平楚衛河堤他夜幽尋處應知夢不迷

東赴海陵倉移家別帝鄉政繁輪轉地官古度支郎問寢椿連
近廻舟蓼岬香秋來客愁少風景似維揚

送董舅氏

暑雨晚初晴山泉落澗清一杯燕市湮千載渭陽情隴月牽遙
夢江花伴獨行亂蟬無意緒爭向別時鳴

東阿留別無涯孟子

逆旅相逢地春殘花事稀同憐在遠道且復換征衣碧草連村
暗青山四郭園欵旋歸去馬還逐使君歸

送鄭雪齋秋官歸閩中

識面沉憂裏重逢旅病間應緣著書癖且作泛舟還雨色含青
柳江流繞碧山東門一尊酒咫尺香難攀

送客

怪爾湖南使風江晚繫舟逢經十載別別得寸時留素月明寒
浦蒼山隱暮流水鷗嗟未及雙泛寡離憂

趙麗卿秀才座留別限韻

聽雨罷彈碁蒼茫生遠思遙應白門柳飄蕩綠烟絲旅跡江花
咲歸心海燕知倚酣方忘別休誦渭城詩

別周子賢僉憲

身是外臺佐心蟠中秘書杜陵元自許桓典或能如夢結三湘
外神交十載餘同舟忽判袂愁絕廣川墟

送吳學正之留都武學

振鐸敷文教遷階得武庠謀筵環胄子官舍接宮牆樹隱臺城
古江連石埭長相期共臨眺嘉候及重陽

送別菊泉胡子

寒殺下木杪送子一醉辛白日川原淨高秋鼓角振來者南苑
雪歸憶上都春懶聽陽鳥發嗽々青石圍

廣川舟中與東橋酌別次韻三首

汴上一為別漂搖十二秋那期衛川溪得並李膺舟月映青山
出波涵碧樹流接宵歡達曙不為酒尊留

共脫風前帽還披月下襟
軋坤萬里別江海十年心
越鳥枝難共湘魚帛易沉
相逢畏相失延滯綠溪陰

愧我薰葭質倚君瓊樹姿
遙憐共飄泊且漫咲栖遲
秀句推先達高言戒獨危
江籬照雪月秋谷有漫期

臥疾東別孫性甫二首

香、閨河客盈、一水間那因各抱病
遂阻共開顏雨入青簾細雲移碧樹間
含情送遙曠時見暝鴉還舊典司番禮
新乘郡守車問名俱不忝遷秩定何如
父老看行蓋君王想諫書徵黃會有詔
早晚下宸居

張秋官元德席上留別

春日江陵去烟花萬里遙山川留故郢
舟楫帶三吳樹影湘流轉猿聲峽月孤
郡樓登望夕天北是皇都

送曾世亭兵備赴蜀

聞道霜臺使親承岳牧息山川曾氣色
草木藉生存拂暑辭東郡先秋過楚門
江皋有芳杜作意待王孫

鸚鵡

珍鳥來清夏芙蓉避綠衣苦遭鴉並嚇
羞與燕同飛整翻身仍阻能言意且遠
何當即開鏢放爾隴山歸

東塢為李戶部真卿賦

舊塢濃花發新春旅夢懸醉吟朝雨後醒坐夕陽前摩詰才堪

此右五輞川隨州句可憐劉長卿有花塢山禽傍精舍來往正

翩翾

雪卷

大雪乾坤閉開窓且靜觀偶然同邵子不是學袁安數在梅花

得春茫大極看憑將畫前易一問灞橋鞍

昌平館

寒食煙花暮傷歸後旅遊芳尊不相對華館坐悠悠月細光疑

梅山空響秋光親垂短髮計日向西州

公館即事呈彥卿

赤日下遮角白雲生晝陰彌因吏喧屏轉覺道情深樹蔭依鄰

借虫聲隔水尋迴驂淹薄暝相遲在同心

李月輝方丈二首

雞犬不聞音仙家巷陌深洞簫吹赤玉丹竈化黃金遶秋花

寂塔寒夕雨沉願傳方外秋勿使歲華侵

秋林積雨梅晏坐失朝曛地似通勾漏人疑是少君依歸洞

鶴丹度窓雲預恐重來日花源肯不分

雨中慈雙泉寺

野寺臨官路山門俯近郊
閻虛鍾梵寂院靜薜蘿交
密雨沉珠網閒雲擁鶴巢
故人詩在壁惆悵隔衡茅

壁間李
子題詩

十六日再至寺

十日重來此登臨興轉幽
老僧烹石耳留客坐山頭
陰洞生雲霧陽坡散馬牛
翻嗟出城晚不值菊花秋

靜海寺

窈窕城連寺崿岩石抱亭
洞虛雲氣白厓斷草痕青
寶匣封宸翰珠花絡藏經
廻翔不覺晚歸馬傍春星

倫上人院晚坐次白湖韻

過雨禪房採松筠一徑渡
荒筵青瑣珮香竈碧山茶
鶴靜歌寒水僧閒數落花
詩人類迂僻乘興即為家

九日登千佛山寺五首

南山空翠律野老倦登臨
城郭千年迹雲霄萬里心
夕陰涵積水風葉下長林
短髮新來白黃花不可簪

亭午客先集憐予遲出城
吏當青塔候僧下碧山
迎奕譜傳新勢騷壇講舊
盟洞泉秋不冷好共濯塵纓

石壁青含雨松臺迥入烟
悶隨天上客閒訪洞中仙
菊采采芳

蕊詩留酩酊篇重逢倘萬一携手話茲年
窈々寺門敞蒼々山徑微風輕不落帽雲近忽凝衣背領丹楓
直垂岩紫菊肥晚途喧葆吹輿醉出林霏
半巖風且急衡雨下山難醉後還騎馬狂來不正冠陰々南郭
暝冷々暮秋寒預想茅簷際迎門稚子權

十月六日遊千佛山寺

亭午登山寺淹留夕未歸涼風起高樹落葉滿僧衣城郭寒烟
聚樓臺暮景微京華十年客愁絕賞心遠

入寺

共邀黃雀侶來問野狐禪日出山中寺風鳴樹裏泉落花空色
相啼鳥伴幽玄莫叩輪廻事吾生自有緣

出寺

雞鳴春日曉鍾落上方幽樹濕雲猶住山空翠欲流酒床隨客
去詩草付僧收虛羨岩栖子塵鏡不可留

壽孫萬戶母

歲々稱觴處將軍此舊逢玉函開寵誥紗幔叩遺經徑出宜男
草簷垂婺女星白頭真入畫長對曉山青

壽程良用父

稚尚陶洪景風流顧辟疆名傳天北極家住水中央晚日明花
宴春雲護草堂髯郎歸節美衣繡出明光

壽文孔賜

壽域開梁苑韶華逼艷辰月臨春館靜花簇夜筵新宦信傳西
母鳶簫樂上賓轉憐多病客高枕獨懷人

何圖樵壽五月十五日

勝地三茅北嘉辰九夏中壽尊浮海月樵唱落天風席近紅榴
艷連滋絳桂叢遙憐爛柯者僊籍會相通

題秦國毅為廼翁早收壽卷二首

江門閒起坐白髮照秋山花擁宜人珮蘭分稚子班天恩來瑣
闥星信報銀灣笑看東林宦傳書海上還
池館山中舊風光畫裏新澗松同雨露江草自冬春犬吠當林
塢花明隔水濱遙疑姓秦者莫是武陵人

壽康對山母

垂柳蔭香車西園春雨餘壽多漫入老身徒歎凌虛紫鳳雲中
誥青鸞海上書近臣魚色養何必賦閒居

壽高給事廼翁

老境真熙洽山中白日長宦巢松樹古花近壽筵香几杖榮朝

典謳歌樂歲康即君青瑛貴歸路滿是光

輓無錫吳翁

錫山春日墓聞訖塋鄉賢露葉迷蒿里風笳慘本田名高懸榻
後事定蓋棺前隴上清明月年々哭杜鵑

王憲司挽草

桓典聲名久相如詞賦稀世方驥馬避身已茂陵歸白露凋原
草沈塵集纒帟傷心連下宦時向月中飛

楊介夫喪母

楚客抱沉哀孤舟天際回息餘五鼎食人閉九泉臺古壁機絲

斷殘燈纒帳開慈魂猶念子夜々夢中來

輓董天粹母

板輿遊樂地經晉復經燕豈料言歸日翻成永別年堂虛春草
合機冷夜燈懸欲問三遷事慈容隔九泉

輓譚都憲二首

太守驅車日中丞擁節年化行江郡美名在蜀人傳添吏悲移
壑殷王惜濟川隴門雙石表何處立秋烟
人間七十載地下幾千秋無復青山到真同逝水流亂雲籠閣
迥啼鳥殯宮幽欲采蘋花奠閩江遠帝州

挽張思紹乃翁

歸老身猶健游仙夢已侵
益司官譽在豸服主恩深
迢遞碧山路淒涼嘉樹陰
秋風渡瀘水客子正愁心

劉惟馨二親哀冊二首

徂謝感流光悲涼十四霜
篋中無諫草身後有封章
遺曲傳巴里清風滿蜀鄉
鳳凰原上木愁色日蒼

相如駟馬榮毛義悅親情
詎料終天別惟爭一日程
機堂總帷捲隧戶添燈明
欲識歸人恨江猿夜夜聲

挽海釣翁

山海關頭月春來幾度圓
杖藜無起日華表有歸年
寒歷遠遊道淒涼孤憤篇
朱雲不可見留檻漢廷前

蕭醫士挽詞

術妙軒岐上年垂耄耄
間烟霞成癖性松栢是容顏
濟物心常在遊仙夢不還
錢塘江口月長照玉泉山

挽王憲副父母二首

露白秋郊迥風高峯木淒
涼嗟墓門道猶有聘君題
隱跡龐公竝詩名魏野齊
孝魂招不返應只在遼西

白首來官舍丹旌返舊山
有懷空色養無日見生還
暮草春回

碧機堂畫掩閑天涯有遊子腸斷舞衣斑
題王臣指揮母挽冊

將軍懷母處堂屋對南山香斷瓊瓊冷機空絡緯閒暮花愁裏
色春酒夢中顏一掬長淮泪隨波去不還

輓同年程御史良用次見素韻二首

有志經邦國無憂及子孫淒涼柱下史慷慨殿中言髮已生離
白叢還死別吞空山一杯酒何日奠忠魂

新安新廟起聞子入鄉賢古墓青山外秋風老泪前乾坤英爽
聚日月大名懸誰續少陵語載歌驄馬篇

哭兒羽

阿羽生存日人呼聖小兒虛疑渥洼種實有鳳麟姿學步先遵
禮能言即賦詩悼渠憐子夏休訝入官遲

湖上憶亡兒羽

往歲春湖曲嘗携稚子遊花迎玉膚咲雲傍綵衣流隔水時穿
竹看魚數採舟傷心獨來日烟月暮含愁

登王文墓

磊落王夫子消沉歲月深墓田餘數柳書屋有孤琴掛劍千愁
恨通家百世心暮山荒草際登拜一沾襟

三弟賦改葬述哀

葬汝已六載那期重撫棺壯心原不死遺骨久應寒石室靈儀
在銘旌粉字殘一為同氣感雙涕夕沈瀾

上王氏妹墓

王郎呼不起吾妹亦泉臺白日山頭下悲風樹裏來有親嗟可
慰無子更堪哀歲荒坟土何人奠一杯

仲冬望日先隴述哀

屹：銜石鳥惜：棲月鳥雲霄雙翼倦天地此身孤雪野兼愁
遠風揚着泪枯一杯殘臘湮知到九原無

東村暮歸經羅侍御墓緬懷知舊惻然興哀兼呈同志二首

雲日蒼茫合東郊暮雪時古臺斜落影青嶂迥含姿澤靜龍蛇
遠山寒鴈鶩餓親交半丘墓愁誦七哀詩

野色擁歸軒遙登古原田鳥啄素雪山鳥下黃昏近郭寒收
市荒祠靜掩門吾行有佳賞思與故人論

過王履軒墓

鬱：將軍墓蒼松檜林斷猿千古夢歸窀九原心地勝河流
抱門闌草色侵承家有兒子文史富纓簪

幽寤

幽寤臥蓬戶淒涼懷舊吟鶯啼非故國草色亂春心落日黃雲
暮陰風碧海深嗷北來鴈二月有歸音

對月感懷

惆悵東籬下西風酒一壺物隨秋漸老人與月同孤幻夢疑蕉
鹿塵踪咲經蛛寒蛩不解意唧唧嚮青蕪

送王廷珮分教東明

春日東明去西齋教鐸分羶隨鄭老座經授伏生文水煖與騰
藻泥融燕啄芹有懷如我及看雨賦停雲

方獻夫讀書山寺

聞君讀書處孤榻寄禪林日抱左氏癖時為梁甫吟開窓千嶂
出隔巷一燈深獨有花龕月盈鑑若心

雨宿姚村二首

舊隴東城外新墳更在東川原相近接靈槩合潛通碧草生秋
石青楊裊夜風茂陵山下路來往恨無窮
野逕來人絕村居夜寂察牖燈方閃庭雨更瀟灑墓土空親
築精魂不可招百年孤子恨天地與同銷

聞三平菊酒初熟詩以調之

愛酒苦無酒避狂翻踏狂聞君新釀熟色勝菊花黃月夜樓陰

靜霜天海氣涼何當騎馬去飽挹甕頭香

故山道中二首

此山青可愛岩嶂繞雲松暫息野中駕
彌眺塵外蹤石橋今古在香客注來逢
落日谷風起依稀聞暝鐘素蓋凌風轉
飄飄度石梁田家姑晡食村店已斜陽
紅憶山耕熟青憐隴麥長郊行亦何事
能遣世情忘

辛巳元日止酒

草閣逢元日悠々一病身碧山虛對雪
青柳自含春羅接屬蘇盃長拋漉酒巾
相過見漁父應笑獨醒人

望雨

倚杖柴門底雲峰引興長
驗霞從曙色瞻雨過昏黃
柱礎虛含潤盃荷實挹香
空簷百尺溜何日聽浪々

憂旱二首

欲叩蒼天意悠々默且玄
樹焦真可爨井涸故須穿
碧藻空秋水鍾山靜曉烟
九重寬卹詔何日下荒田
允陽厚土裂茲事莫言無
旱格久為怪恠龍真惱吾
未沾三伏雨敢說九秋租
珍重雲霓望蒼生待一蘇

坐雨

密雲蒸短夜繁雨下清朝不救中田麥猶沾晚歲苗度窓絲浙
浙浮檻更蕭々咫尺蘇端舍衝泥未可招

八日喜晴

海門晴日吐春水生來添喜入三農望豐歸五穀占野鶯啼秀
木江草映虛簾我病生嫌酒溪杯且一拈

過北川周子庄

借問平陽守泉庄今若何樹稀鳴鳥散花亂早鋒多酒拈封苔
藓漁舂胃薜蘿淒涼世交子恁泪一相過

正月十七日先夫人壽辰

此日吾親壽當年樂事多夜堂歌窈窕春綵戲婆娑永恨重泉
隔溪驚六載過風前酌卮湮腸斷楚川波

過王生廬墓

赤日東郊午六過孝子廬草衣惟短杖土屋有藏書蛛網苔侵
戶編牆兩溜渠閔祠看咫尺比德定何如

問信

問信陳州盜將軍有捷書真成枕上肉豈慮釜中魚殺氣東連
潁烽烟北近徐招々淮口檝將發故躊躇

盜賊

盜賊還奔突傳聞過白洋關河苦迢遞雲月後蒼茫賈客回江
舸居人競野航雞鳴戒同伴或恐犯垂堂

過姚村舊業村有先君子遺隴

里巷紛仍在鄰翁半不存午雞喧井落寒犬臥衡門側宇天光
入魏阡霧色昏百年桑梓地回首一傷魂

忽報二首

忽報楊開府新傳羽檄過未須憂赤縣且復守黃河去馬定看
疾來舟遂不多飄蓬愧生理終日傍干戈
豈料朝天使翻為避地人去留難與決傳報恐非真碧樹花爭

蒞清江水自春廟堂嘉靖日州郡轉風塵

龍洞山雜咏二首

寺統層峯入溪通曲澗開八年千里夢七日兩迴來古壁流烟
色荒蹊疊艸萊登高賦搖落慚愧宋生才
出郭始朝飯入山聞暝鐘自憐衰病久敢恨僕夫慵立馬看群
岫開尊對兩松誰能回白日眼眺且從容

丁字口北

海口潮初落片帆秋正堪斜陽飛鳥度微雨斷雲含戀關心馳
北留人風自南一聲漁篴響鳧鴈起江潭

鄂渚

鄂渚維舟楫登高覽洞連地連秋水白天入暮山青望關瞻星
斗懷人感鵲鴿漁簫向夕起嗚咽不堪聽

暮行

野色蒼茫合宵征問路頻馬蹄經蘄滑螢火度溪新鄉國今何
許家書動隔春遠村燈燭處簫鼓賽田神

逐客

逐客去已遠相思室爾哀不聞宣室召徒抱賈生才野竹侵書
幔山鶯進酒盃梁園親識滿今雨幾人來

野風

野風吹荻葦寂、楚江秋水氣寒侵幌濤聲夜撼舟古今雙社
鳥天地一沙鷗欲作懷湘賦官程不可留

泛江

汎舟成小酌半醉倚篷看烽火偏西接關山直北寒渚花春漠
漠江日暮團、誰識荆南守思鄉欲掛冠

歸自北村

款、野中話依、川上情雨昏沙徑色風起暮林聲臨水僕夫
望呼予童子名柴門露遠火迴策興瀟清

望北過北渚庄二首

野店長渠繞，郊扉晝不開。茅堂蔭榆柳，沙路上莓苔。白鳥晴飛疾，玄禪夕奏哀。主人城市裏，經歲幾曾來。

渚老有高趣，未衰先棄官。心猶壯夫勇，身且布衣寒。雪裏中宵坐，燈前細字看。不知東海上，何日起垂竿。

再過北川別業

負郭穠千頃，青遙入雲兒。孫不解守賓客，自爭分剝曲舟慵。泛山陽笛，恐聞傷心碧堤柳，猶映白鷗群。

卜山居城有作

久定華山約，今來始卜居。夢遊曾屢到，心賞復何如。圃巷環高柳，淵泉抱古墟。從茲簪與紱，當有絕交書。

題白泉王子壁

吟興復不淺，村中無酒家。圃雲深映竹，墟日半籠花。石柵啼黃鳥，溪泉擁白沙。晝眠兼夕坐，非為惜年華。

過湘王故宮

舊日湘王府，淒涼百歲多。堞荒秋薺上，樓殿夕雲過。廢園穿狐兔，深宮散綺羅。同行有詞客，閑詠黍離歌。

過故山人園

園囿碧山隅山人此舊居豪華非往昔冥漠意何如古木巢寒
鳥殘陽隱廢墟傷心醉遊處猶有壁間書

家豢鸚鵡為狸奴所斃予傷之賦短律二篇書呈同志期
有以慰我也

爾本能言鳥羈栖誤此生衆方憐彩翠天苦忌聰明月下離群
思花間喚婢殷居然成往迹留架在前楹
轉架藏身捷臨憲命食嬌愁來真可掬魂去竟難招露井流音
寂風塔落雨飄醉翁元好寢為爾立清宵

石橋驛南觀漲

夜雨山水發奔濤盈澗流石梁嗟已斷何處覓方舟永路緣朱
坂餘暉映綠疇登高西北望隱隱見昭丘

由魚料驛登岍赴荆門

驅馬麗陽界荆門途不賒平田飛野雉積水亂鳴蛙日下西山
暝江懸北斗斜荒村逢故老停盃問桑麻

自漢江泛舟過宜城遇風雨大作

短棹驚洪河川行憂畏多轉憐時役苦無奈旅程何霧黑江龍
鬪雲腥岸虎過黃昏投古驛從此順風波

自峴山趨赴襄城不及門遂宿漢江

黃昏峴山曲征馬倦躋攀雨過蒼林外虫鳴廢井間斷崖成聚
落深巷隔塵寰古驛懸燈候重門未上關

登仲宣樓次韻陳矩菴中丞

岩、南郡樓到郡此重遊島沒雲中樹天浮海上漚旌旗連戍
色鼓角動邊愁萬里看西北蒼茫見帝州

江郡敞雲樓東南據上遊日華浮野雪霞彩散川漚俯仰悲千
古登臨起四愁王師神且武何日請西州

答西橋大復二君

丙子之歲客游兩河辱劉何二君聯句惠寄庚辰仲春

屏煩抱疴林居值雨檢覲前翰悵焉起懷步韻二章爰

申情抱云爾鳳禪音旨豈曰同哉

憶在中州日曾傳上苑歌暮雲千里隔春草四季過漢殿仍金
馬秦關且玉珂報草慚獨晚才力謝羊何

懶性真成癖衰吟不當歌田園自開闢城市少經過雨卧山迴
枕春行柳拂珂馬周頭漸白無日見常何

贈劉介夫舉人歸金鄉限韻作

雲日晝冥、幽人過草亭客衣寒映水歸騎晚侵星雨外山逾
秀霜前柳上青醉翁多晏起行李暫須停

齊魯疊羨字韻再別承菴

釣魚特作羨載酒出山城
曉雨陽關恨春風故國情
登臺悵予獸戲彩羨君行
忍聽碧林外蕭、歸馬鳴

春送客

知君意不淺追送獨綢繆
文字真吾契河山且故州
水雲虛映日風樹碧含秋
嶽頂傳詩在誰將片石留



律